

程

張說之文集卷第二十五

碑銘

齊黃門侍郎盧思道碑

贈吏部尚書蕭公神道碑

贈戶部尚書河東公楊君神道碑

故括州刺史贈工部尚書馮公神道碑

故吏部侍郎元公碑銘

齊黃門侍郎盧思道碑

有齊黃門侍郎范陽盧公諱思道字子行涿州人也其先姜姓世祚東海別為盧氏家于北燕自漢世中郎將植至侍中陽烏徵君之子稟天靈傑承家令軌



清明虛受磊落標奇言不詭隨行不苟合遊必英俊
門無塵雜至於求已勵學探道觀真思若泉涌文若
春華精微入虛無變化合飛動斯固非學徒竭才仰
鑽之所逮也事齊歷散騎侍郎以文翰直中書中廢
復進至給事黃門侍郎待詔文林館武平末天子總
兵禦寇太子監國于晉陽公留綜宮朝兼典樞密及
皇輿敗績於外而百寮蕩折於內公節義獨存侍從
趣鄴告至行賞授儀同三司入周除御正上士定省
歸郡郡人祖英伯作難公脅在其旅幽都既平玉石
將燎賴元帥宇文舉以舊有令聞引謁因命草露
板立就駭其麗異其敏釋於齊斧之下揖于群士之

上除掌教上士隋高祖為丞相也遷武陽太守以母
老乞解職優詔許之後復徵為散騎侍郎奏內史侍
郎事隋開皇六年春秋五十有二終於長安反葬故
里凡更臣三代易官十七再降一免二去職八平除
擢遷者四而已公處屯安貞賦詩頽飲視得失蔑如
也臨難無懼在黜無愠危不去主仕不違親休明有
賓禮之盛顛覆無淪胥之禍其大雅者歟夫禮儀損
益公能言之故與熊安生詳定齊禮三墳五典公能
讀之故與薛道衡侍學儲后公國華人望光照鄰邦
故所居之朝應對賓客修詞抗議允執其中故青瑣
黃練異代咸掌大名之下豈誣也哉昔仲尼之後世

載文學魯有游夏楚有屈宋漢興有賈馬王揚後漢
 有班張崔蔡魏有曹王徐陳應劉晉有潘陸張左孫
 郭宋齊有顏謝江鮑梁陳有任王何劉沈謝徐庾而
 北齊有溫邢盧薛皆應世翰林之秀者也吟詠情性
 性情唐文作紀述事業潤色王道發揮聖門天下之人謂
 之文伯於戲國有校家有塾祿位以勸風雅猶存然
 千數百年群心相尚竟稱者若斯之鮮矣才難不其
 然乎然則飛黃虛騁百轡遺路鷓鴣天運萬翼無階
 文士擅名當時垂聲後代亦云唐文下才力之絕眾
 故爾開皇以來百三十餘載天贊唐德生此多士公
 之元孫曰藏用濟美文館重祿黃門永惟衣冠子孫

邑里多改先人封樹歲久將平迺假詞菲才刊石表
 隧庶乎涉齊地者不薪柳惠之隴過邢山者無惑子
 產之墓至矣乎盧氏之子其用心也遠矣銘曰

或或黃門 實天生德 才蓋一世 榮聞四國
 文王既沒 文在人宏 公為宗匠 當朝與能
 龍躍春霽 鳳鳴朝昇 或頌或變 或雅或承
 理以神合 聲以妙徵 高視睢渙 與君代興
 人之云亡 十有一紀 斯文未喪 施于子孫
 新作豐碑 德音不已

贈吏部尚書蕭公神道碑

仁以度心 施物義以由道 利貞孝以養志 安親慈以

教忠有後舉四行之尤善成百代之餘慶蓋得之於
 蕭府君矣公諱灌字元茂蘭陵人帝高辛之苗裔也
 元鳥授命教唐文敷五德白雲入房網開三面微子
 封宋樂叔居蕭氏族之始也相國下秦大夫師漢門
 閔之宗也大齊以蕭竹膺期踐皇帝之位大梁以木
 刃興運張天地之圖傳寶祚於一家易鴻名於兩漢
 青蓋入洛重南國之衣冠白馬朝周盛西雍之賓客
 公即梁宣皇帝之元孫明皇帝之曾孫大父南海王
 珣入隋封梁國公纂德乾坤承靈睿哲舊邦雖改見
 周鼎之時輕新社仍封知晉圭之必大考鈞中書舍
 人率更令宏文館崇賢宏文館崇賢唐文作宏文集賢兩館學士學

窮祕願唐文標中匠廣博幽深契神無迹温良恭
 儉與道為徒是謂啓迪後昆而焜耀前烈者也公總
 山河之粹氣注日月之末光心根孝友器包禮樂動
 躡思後故口無擇言照在機前故身無擇行加以啟
 蓬山之塞路入藏室之元關四科得游夏之門六藝
 取鍾王之雋年十八明經高第補代王功曹王昇儲
 改通事舍人又換內直監曳裾西苑擅文士之場束
 帶立朝首正人之列尋以外艱去職王戎死孝時論
 憂之閔子免喪哀心未盡乃不就祥縞不撤几筵者
 久之或曰懷其實面唐文其國行其志約其親可乎
 哉公曰吾過矣不得已而外除不擇官而祿仕拜國

子監丞以婚姻之故出為甘州司馬徙集嵐二州司馬轉渝州長史其從政也反身以惠下推誠以敬上老吾老以施教幼吾幼以子人孰其唐是心也何往不濟故歷佐之郡必僻陋知方戎蠶變俗狼戾馴軌貪饕寡欲迎新者望風而歌來暮送故者計日而戀不足詩云做人君子正是國人能長人之謂也太夫人在堂有羸老之疾公因使入計得扶持還京下巫峽之波上當陽之坂展轉在側躬憂歷時席不安枕衣不解帶及板輿長稅遂扶杖不起子春視疾加損徒勤石建執喪悲哀自絕永淳元年八月寓居穰縣終於苦蓋春秋五十有七先君之服也三年有終公

過時不釋聖善之喪也五十不毀公戀親滅性君子曰禮也夫可謂至矣夫人京兆韋氏祖雲起兵部尚書父師實秦州都督公卿令族蘭杜齊芬鳳皇飛鳴始正家道珠玉秀色終高母儀年五十有四長壽元年十月逝於京師布政里粵以二年二月辛卯合葬於少陵原之先塋禮也其孤嵩克戴聖君以宰天下大福再成於身後湛恩廣運於泉路開元十七年仲冬癸丑詔曰中書令嵩父某毓粹冲和降靈神象言入精微之奧迹登賢聖之軌位不克量道足庇人松楸雖幽音徽不昧宜承追遠之慶俾崇冢宰之榮可贈吏部尚書同日詔曰嵩母韋氏門傳一經行包四

德才淑冠乎邦族言範光乎母師誕茲寶臣作子良
 弼封其石窳俾承玉宇之榮表以金章永闕珩璜之
 飾贈可魏郡夫人於是建宗廟修禮物榮君後命告
 我前人遠哉心乎一思一敬之感會也如是垂裕立
 訓克家揚名遺愛至矣慎終備矣東武公之子孫共
 連瑩闕南城侯之夫婦同刻碑銘詞曰

維蕭條宗出宋之子天命齊歷河圖梁紀累帝重王
 雍容文史是生邦俊世濟其美仁義孝慈中和庸祇
 文章鳴鳳禮樂元龜碣館枚馬儲闡潘賈人望國華
 益榮追位冢卿哀感有情事傳無聲墓門松平碑字

風流儒雅

金生不知千古誰遊九原唐文京

贈戶部尚書河東公楊君神道碑

若夫孝在揚名忠歸令德事因感激氣槩生焉時逢
 屯難勲業成焉桃李灼灼不自言於蹊徑松柏青青
 不受令於霜雪窮獨善而無撓達兼濟而弗矜子曰
 君子哉若人斯吾河東公之謂也公諱執一字某宏
 農華陰人也司空觀王雄之曾孫鄆州宏農公績之
 孫潞州湖唐城公思止之子戶部尚書相國執柔
 之弟觀公侍中恭仁公之伯父也安德公尚書令師
 道公之叔父也在隋則二代五公在唐則一門三相
 公台輔積慶稟清明之識河岳會靈資磊落之氣體

剛毅深於城府蘊規畧長於襟帶戲為軍陣敵國之
 勢幼成請學兵書長城之望早集年甫十六先君捐
 館七日絕飲三年泣血編素唐文有制儒家歎其從
 禮柴棘加等議者憂其死孝清明唐文祖德勢冒其
 供甘旨非手樹桑麻不以薦唐文繪唐文續年逾一紀勤
 不知勞既極安親之心方展事君之節乃濯纓璜渚
 獻策金門干當代之聖君論天下之成敗秦皇覽奏
 屏左右而與謀漢帝聞言膝前席而不覺一見拔玉
 鈐倉曹再見取尚食直長三見寘典設郎驟進直詞
 深觸權嬖為易之兄弟所嫉左授伊州府果毅又上

封章帝用嘉納加游擊將軍右衛郎將歷左清道率
 換右衛中郎押千騎使總統貌武便繁肘腋故得協
 心五王戡剿二豎奮飛北落推戴中宗嗣唐配天不
 失舊物以匡復勲拜雲麾將軍右鷹揚將軍封宏農
 縣公賞未充庸且有後命增冠軍大將軍右威衛將
 軍進河東郡公邑二千戶賦四百室俾之鐵券恕其
 十死又賜天馬瑞錦珠盤瑤爵綵紋五百縑素三千
 分三土之上腴處五等之高列琬戈紫綬環衛於鈞
 陳玉瓚流黃侍祠於清廟豈知釁結梁魯政出豔哲
 里克納惠而為戮萇叔成周而見咎彼五績之摧頽
 此三黜之屯躓出為常州刺史以太夫人羸老乞避

卑濕特降中旨轉牧晉州駙馬都尉琅琊王同皎親
賢地切休戚圖深安劉之策未遂鍾室之灾先及吏
扇紛獄公陷關通貶徙沁州刺史不知事仍長任夜
魂九逝非北首而無歸晝戶重扃異南冠而同繫果
能推分榮辱忘懷生死人不堪其憂公不故其操久
之盡削官封放還待母梁山雨雪不隔曹氏之思王
畿風景來就潘園之養尋而大勲不廢天道復反歸
既奪之井邑起故時之將軍擢衛尉卿復初封爵巖
巖劔山蜀之險要嗷嗷飛鴈人未安居飢渴仁明輯
綏凋弊又授公劔州刺史蔚彼黍苗樂我膏澤內憂
遠訃殞絕逾時於是搏膺星奔徒跣永路兩不接夜

唐文身唐夜不解纒因心過禮朝流欽歎有命奪情

除汾州刺史知團結兵馬哀訴不允金草無違中國
簡稽而有備單于遁逃而遠迹詔徵為涼州都督兼
左衛將軍州河西諸軍節度督察九姓赤冰軍等大
使公富以農政和以師律彰信蕃部赫怒軍容斷匈
奴之臂磧路安而不警張漢家之掖雪山開而無寇
遂攝御史中丞璽書勞徠縟賞稠疊又牧原州未發
復授涼州都督改右衛將軍使悉如故尋移許州刺
史未到以單于款關授右衛將軍檢校勝州都督兼
處置降戶使懷柔以德種落宜之徵還本官又兼原
州都督旋屬降戶翻叛河朔倣擾邊城聳威諸將無

功強修連率夏州按察關內羽書日夜俾遷唐文還郡
 牧公按甲待敵確乎不動虜騎畏威竟無來掠向使
 迴避行於一步則攘竊啟於萬端十將耗五數年未
 復既而強公追捷唐文朝端延賞徵拜右威衛大將
 軍進檢校右金吾大將軍尋而即真禁衛肅然異於
 他日也皇上哀庶戮之不辜念群胡之自尊大軍之
 後荆棘生焉乃命公攝御史大夫為朔方元帥公剛
 腸疾惡擒姦摘罪曩將之所彌縫宿吏之所乾沒匿
 賊散廩一徵百萬矯枉過正眾口囂然改右衛大將
 軍無何復右金吾大將軍金刀更新龍韜仍舊巖廊
 益峻徽道增清改金紫光祿大夫鄜州刺史人寬吏

急猶前政也享年六十有五開元十四年正月二日
 薨于官舍闔境發喪列城望祭古之遺愛何以加焉
 天子傷之下詔曰故官某夙負名義早著勲庸居內
 外之職備文武之任忠勤匪懈誠節無渝唐文焉
 徂歿情深悲悼可贈戶部尚書歸賜成喪有加恒數
 維公以孝敷聞以忠特達以幹述職以能典兵凡領
 郡十四將軍十二再杖節鉞三執金吾一至九卿二
 兼獨坐儼有直道侃無媚辭銀艾復乎舊德珪爵傳
 乎祚胤全志唐文節於夷險與福祿而始終諡曰忠
 公朝之令典也夫人新城郡夫人獨孤氏左威衛大
 將軍贈益州大唐文都督卿雲之女也婦德母儀中

外師範開元四載先公即窆以今十五年六月合葬于咸陽之洪瀆川禮也其孤濯汪等銜恤靡訢託詞疇識感稱伐之垂文哀劬勞之罔極銘曰

堂堂楊公 神密氣雄 苦身難孝 正國危忠

落彼狡童 樹此帝功 昔稱關西 今也河東

觀王之裔 珠華玉麗 重葉尚主 三朝嬪帝

韡韡七德 侏侏六藝 公之亢宗 鬱為四濟

涼鎮西隅 邦臨北胡 天子授鉞 將軍剖符

青蛇入笥 白獸銜珠 去持玉節 來執金吾

轉予瓜士 守于廊時 明察號神 仁恩名子

武都石折 文昌星死 素蓋歸飛 黃泉已矣

卜葬卷阿 哀榮孔多 尚書鼓吹 太守唐文平虞歌

碑流雨迹 松引風過 獨封茅土 長誓山河

故括州刺史贈工部尚書馮公神道碑

金之為寶百鍊而唯精玉之稱德久幽而不昧聖人美焉君子比焉可鑠也不可奪其剛可毀也不可汚其潔偉哉馮公秉斯操矣公諱昭泰字遇聖長樂人也說學於古史豈不聞舅氏之厥初乎畢公建德于周畢萬大名于魏別封之裔遂氏馮城秦則丞相並時漢則將軍重世積仁纏慶王者鬱興間晉南浮因燕北號家變成國為天下雄勲業競五伯之先子孫齊二王之後公即昭成皇帝之十世唐文孫也高祖

大將軍隨州刺史長山公謙以冠恂之才翊戴周武
 曾祖兵部尚書左僕射魏國公世基以曹參之力經
 濟隋文大父尚書左丞檢校御史大夫少府監揚州
 長史安昌公長命以佳吏之名勤勞皇室考仁高亮
 無祿子道不完故公幼而襲安昌公焉清明激激標
 格峻豎夏翟耿介無矯飾於韋絃寒松青冥不受令
 於霜雪專經覩奧習法精理起家左奉裕改讓賢府
 果毅換文州司馬為酷吏所陷罷官久之調榮州長
 史屬城慢法按而繩之入計會府讎家橫訟明勅杖
 其愬者遷公宋州司馬朝廷翕然知有王法復假右
 臺侍御史江南道廉察使類會高等加朝散大夫進



潞州長史堆岸受湍孤醒見嫉轉湖州長史公束濕
 不回聚蚊交訕貶為饒州司馬未行降使詳覆拜鄂
 州刺史制曰卿志氣剛勁操履貞潔歷任唐文藩條
 咸有聲稱詰姦亂謬不避強禦苦節清威若凌霜雪
 傾因讒毀遂有貶降使者按問皎然明白俾從優獎
 時加寵命其在江夏異政風行入為太子家令兼知
 內外鑄錢事國泉是殷盜鎔唐文乃絕河朔淫雨帝
 思作又俾公檢校邢州刺史散有調無人忘歛歲帝
 乃重書勞焉其旨曰卿忠於事君簡以臨下忘私徇
 公之美歌謠所載擒姦擿伏之奇吏人攸仰雖陳朔
 之貶黜邪慝王業之斥除貪殘無以加也一郡清靜

副朕意焉其後以威累移睦州刺史復為群小所譖
 左授泉州司馬未之任又貶榮州司馬公砥節荒服
 天高聽卑除温州長史俄復舊階拜括州刺史水國
 濺如告疾言歸景龍三年六月十三日終於蘇州之
 逆旅春秋六十有五正人歎息舊葢傷感公清白傳
 家信義高世門有奇士室無長物夫其善於鈞距長
 於衿帶法嚴令峻人寬吏急當官而行不避讒慝之
 口除惡務本不求愷悌之譽出入從宦十有六職以
 謗獲貶者五洗謗特遷者四不曰忠乎將無悔於九
 死不曰直乎焉往而不三黜故人謝而名益著迹遠
 而風可懷也皇上志其持法無撓贈大理卿本其坐

樹無言謚之曰節寃宥之事一以官供哀榮之禮被
 於存歿是時天子嚴謁山陵訓人追孝推恩庶辟唐文
 物瀉澤幽泉公長子少府監紹正次子給事中紹烈
 並構層堂仰延榮贈乃贈公工部尚書君子曰孝必
 錫類忠則不墜臧孫達其有後乎鄭公業為不亡矣
 夫人琅邪郡唐文無君左相邢公及善之女垂拱二年
 三十六而天後夫人彭城君鴻臚卿善因之孫唐文
 下景龍三年五十有五而逝所謂齊姜昭前邦媛輝
 後碧樹先落悲同孫楚之妻紅蘭漸苞貴在馮勤之
 母以開元十八年十月壬寅葬我節公於長安縣高
 陽原夫人王氏劉氏祔焉禮也長子紹正少府監第

四子紹忠未仕第五子紹烈御史中丞孝乎二連之
心思崇三絕之美魏主來顧賞幼婦之碑秦師不侵
尊死士之隴揚名稱伐道遠乎哉銘曰

古之志士 忠不違難 倬哉馮公 矯此雲翰

囂囂群小 彼何足算 屢困忠直 天下改觀

經用百年 窮達相半 貽慶二子 雙承天渙

巖巖大理 人命是懸 聖朝表贈 王道無偏

六卿冬官 百工攸序 韓稜雖歿 龍泉可許

邱陵鼓舞兮 桑改壑移桑改壑移唐文作改谷移山 歲月崩唐文作奔波兮

有去不還 唯德音與頌石 傳不朽於人間

故吏部侍郎元公碑銘

英英白雲唐文作靈瑞彼君輅 佻佻公子 嘉我王度

魏后遺德 作華天朝 雲氣應變 直心遙遙遙遙慶作過遙

麟閣書仙 鳳池墨妙 太常國禮 少宰邦教

公之處之 有倫有要 玉折其身 金斷其清

沒而不朽 仁乎令名

張說之文集卷第二十五

張說之文集卷第二十六

墓誌銘

節敏唐文太子妃唐文墓誌銘

鄭夫人墓誌銘唐文鄭氏榮陽夫墓誌銘

故右豹韜衛大將軍贈益州大都督汝陽公

獨孤公燕郡夫人李氏墓誌銘

鄧國夫人墓銘

李氏張夫人墓誌銘

張氏女墓誌銘

節敏唐文太子妃唐文墓誌銘并序

開元十有五唐文年二月癸未中宗節敏唐文太子

說之二十五

東武李氏研錄

妃楊氏薨於京師太平里第之內寢越五月丙唐文申詔葬於新豐之細柳原黃陵不從古之道也嗚呼哀哉妃氏之先代居河華赤泉啟國清白傳家東都之公胄西晉之后族高祖士達隋開府納言天授中以孝明高后之父追封鄭王贈太尉曾祖緘隋符璽郎抗節王克聖朝唐文聖朝聖朝旌義唐文贈靈州刺史祖全節左內率贈魏州刺史考知慶千牛豹韜二將軍若夫軒冕王官同許史之繁漢婚媾帝室比姜媯之宜周是故二華降靈五河飛譽拜玉冊於文廟儷金璽於青宮入參視膳之儀出友元貞唐文之樂禮陪繭館祭服始於北郊詩讚鵲巢王化終於南國豈

知諫唐文違闕水神往郎唐文山七日之望不歸千秋之言何及於是視身知苦幽探白馬之偈覺心等空坐證青蓮之業唐文久以喬木無怙柏舟早誓隸唐文先落聖善相依闔門正家稱未亡而全禮高堂終養不勝哀而遂絕此又禮外之禮孝者中之孝者也初上在東宮時妃有女弟唐文選為良媛生忠王卜者云不宜養爰自襁褓命妃舉之及開元正位良媛為嬪而卒妃之唐文視忠王也隱觀之訓誨之竭從母之仁慈倍唐文猶子之珍愛忠王之託妃也敬愛焉聽順焉生盡因心之孝沒過如母之感且夫慈懋鞠育孝思顧復仁協恩親愛備恭睦成天下之

百行致生人之五福斯蓋皇極之端國風之首者矣
 湖陽王當小宗唐文下祭二字元妃之喪唐文下喪二字挾二
 孤而祭殷二國何必鼓吹山上遙傳慈母之名石闕
 廟中獨立少姨之像史官承詔勒銘沈碧詞曰
 太華北足長河東肘總粹陰靈配唐文作妃德儲后鳴夷
 美玉佩炯光金鈕貴嬪長姨寵王從母永訣上賓死
 孝哀親顧懷孺子忍別天人昔貞萬國今撫百神泉
 燈我夜宮樹他春陸唐文作陵麥秀兮漸漸隴月生兮纖
 纖元灞去兮無還日青門絕兮不可瞻石獸古唐文作
 兮綠苔黏宿草殘兮白露霑園寢閉兮脂粉膩不知
 何人兮開鏡奩

滎陽郡鄭夫人墓誌銘

并序人唐文作滎陽夫人鄭氏墓誌銘

夫人諱某字某滎陽開封鄭氏之女唐文下有字有唐銀

青光祿大夫行少詹事曰唐文無曰博陵唐文有侯字崔氏之

妻中大夫中書舍人湜之母也高祖述祖北齊吏部

尚書太子太保滎陽平簡公曾祖武叔北齊洛唐文作洛

州刺史中牟公祖道授唐文作授隋宋城令父世基故吉

陽令故左僕射安吉公杜淹太夫人之外王父也夫

人家世德門母氏鼎胄衣冠禮樂耳目所徵號之諸

生實為女士先大夫以崔出太岳之嶺鄭祖周王之

穆長源修麓比濬聯崇故夫人年十有七歸于我氏

盡敬愛以安舅姑致友睦唐文作穆以諧如娣性寬恕尚

素雅文而不奢約而不陋故邑號光啟象服是宜博
 陵侯更事兩朝多歷官序居必大理去有遺愛雖毳
 衣善聽得非雞鳴之弼乎舍人及三弟長安尉泌藍
 田尉液左千牛滌咸有當代之名立無過之地滋液
 教訓作教訓文琢磨禮範雖趨庭善稟得非闔門之
 誨乎夫樂得好速關雎義也鞠成衆子鳴鳩仁也采
 蘋采藻修法度也如山如河有德容也婦禮既成內
 則用貞母儀乃形作行文家道以寧於是春秋高矣雅
 好真諦飲禪味減撒作唐文珍華被服慈衣捐
 棄唐文文綉總斯群懿式是六姻故以嗣徽先姑垂
 裕來史詩所謂邦之媛也夫人有焉皇天難忱不享

偕老年六十四神龍元年十一月九日遘疾終於洛
 陽之遵化里其明年三唐文月葬於富平縣之某原
 君侯傷神諸子銜恤寘銘幽窆用存終古其詞曰
 東惟詹府西望綸闈吾夫鸚麟吾子鶴飛青綬赤第
 魚軒翟衣橋梓灌茂灌茂唐文堂堂榮輝如何不淑
 奄永泉扉漠漠元夜溶溶白日百歲之後同乎此室
 故右豹韜衛大將軍贈益州大都督汝陽
 公獨孤公燕郡夫人李氏墓誌銘并序
 夫人諱某字某故代州東治府右果毅都尉幽州高
 士季感之女也本姓張居于清河郡大父元慈官至
 安東大都護長史與太宗有故賜姓李氏仕歷檀州

司馬始家薊城是則帝寵舊臣乃命唐文下族官平

邦唐文野因為郡人偉哉孝友清白之仁基金釵唐文

鈎石印之靈兆唐文必將光大別業唐文繁衍淑女

彩黛紛敷焜耀華暉唐文若斯之盛也夫人幼而韶

異長而婉穆金聲玉律薜榮蘭茂傳賢莊姜詩美仲

氏無以尚也初汝陽公夫人元氏生一男四女而卒

繼室以夫人封諸燕郡生元立生元立唐文及長孫

楊氏二女秉螽斯宜爾之德著鴝鳩均養之仁色無

偏和心無殊厚閨庭之內邕邕如也雖邑中五服之

家門下三千之客莫能察其異焉永寧里先人之舊

廬也有通渠轉池巨石嶽嶮噴險淙澗洄潭沈沈以

唐文殊聲異狀而為形勝遊衍之處者十四五前夫

人之孫蘇氏之婦弱歲嬉而墮焉舉家環流憚莫能

救夫人投身赴水或沈或浮久之提挈僅免其行已

也實多此類府君更郎將中郎將各一將軍大將軍

凡四前後領左右羽林二軍禁營青海鴨綠二道總

管天子元老白首兵欄腹心爪牙朝無與二外受瑀

戈文馬之賚唐文內委金璣寶玉唐文之飾將軍既

頌於部曲夫人亦散於宗姻可謂貴而好禮富而能

惠者已及君子晨歌夫人晝哭喪有感募感募唐文

制無越禮其後法吏苛濫唐文孕子遠遷窮荒一訣

倚閭三歲炎山瘴海曷云其來施珍玩以奉佛徹滋

味以奉道精意入冥明神與直中興昌歷無廢舊勳
 先公茂乎飾終愛子榮乎起滯天步方泰家屯適夷
 宜享南山之壽奄頓西泉之駕神龍元年十二月二
 十二日寢疾終於洛陽之德懋里春秋若干國陞邦
 媛家唐文宗傾母儀孤胤孝孫哀哀藥棘有詔旨曰獨
 孤某妻亡還京日宜給靈輿并遞悼舊哀功唐文宗
 孤恤喪朝之大經者粵以明年十月二十日卜葬於
 雍州之某原不從先塋古之道也夫計功伐勒彝鼎
 非婦人之事撰德行存圖史亦孝子之志乃為銘曰
 猗嗟昌兮 月出之光 如葉莫莫 如華皇皇
 宜啟燕郡 作合汝陽 尊之象服 錦衣襲裳

以慈形唐文訓

曰仁之綱

以命易難

曰義之方

婦有柔德

亦惟其常

女之士行

于何不臧

彼天蒼蒼

胡降百殃

捨我媚予

捐其高堂

邱隴茫茫唐文

風生白揚

象物皆盡

德音不忘

鄧國夫人墓銘

詩美莊姜傳稱孟母庶姬繇邈千載時有猗嗟邦媛
 柔明亶厚龜玉毀積膏蘭夭壽遠矣皇祖肇自伯宗
 靈基在晉華胄陵江尹茲西楚宅是南邦高蓋結轍
 圓冠比蹤魏館虛待周京長發父對雄風母膺姊月
 珠浦躡唐文潤玉林清越昆弟三人羽儀雙闕家芬
 淑女國茂賢妃具瞻四德旁通八徽步障馳辯唐文

連環定機調絃魚躍弄杼鴛飛媧后創業軒宮多事
 高行登聞大家入侍幽替日月財成天地温室不傳
 平城盡祕大君命我變禮斷恩衛妻空誓息媧無言
 均養七子劬勞二門始賦樛木終歌采蘋多難啟聖
 群凶構孽朋家作仇脅權相滅臨禍不懼忘生蹈節
 彼何人斯碎此貞烈氛銷日朗既安且平皇心震悼
 禮備哀榮啟國加等復土陳兵外姻來唁中使臨瑩
 恭惟夫人宿精智刃昭昭開士授之心印古無合葬
 遺言別墳藥藥孝子敢廢前聞服不珍綉盤無膩薰
 室暗泉火松殘壟雲神合大化誰為小君

李氏張夫人墓誌銘 并序

臨淄李伯魚妻者范陽張氏女諱德性孝悌柔婉能
 日誦數千言習禮明詩達音妙績德言容工蓋出人
 也伯魚天下善為文擢校書郎出為青州司功而卒
 夫人寡居無子以歸宗焉長安二年四十有八傾逝
 於康俗里殯於永通門外景龍三年家疾居貧季弟
 說鬻詞取給冬十月安厝伯婦於萬安山陽蒼梧不
 從古之制也北望先壟西接妹邱明靈其嘉永安此
 室銜哀敘誌嗚呼孔懷銘曰

送我伯婦 萬安之墳 精靈何處 為雨為雲
 彼臨淄兮千里 望倏忽兮夫君

張氏女墓誌銘 并序

女郎名瑛姓張氏洪洞丞府君之少女也聰慧孝友
 蘇條鬢哲能讀史書善奏絲桐舉族珍之未成人而
 天命也聖歷中隨仲昆之任殞折於慶州歸殯于藍
 田別業景龍年屬家艱季兄說徵黃門侍郎哀請不
 拜詔許終服家貧傭文以取給唐文冬十月獲葬女
 弟於萬安山陽差池姊瑩顧瞻尊闕不志孝悌唐文
 慰爾幽魂含酸屬銘投筆氣索銘曰
 陟彼京兮痛同生兮奈何朝露在薜榮兮共天地之
 大德焉早落而無成兮

張說之文集卷第二十六

張說之文集卷第二十七

諫幸三陽宮表唐文作諫疏

諫潑胡表唐文作諫疏

論災異表唐文作諫表

并州論兵唐文無邊事表

陳情表唐文作讓起復表

舉陳寡尤等表

進佛像表

進渾儀表

進雋州鬪羊表

勸學啟唐文作上東

諫幸三陽宮表唐文作諫疏

右補闕臣說言臣聞明主不惡切諫以博覽忠臣不敢隱忠以曲辭伏願陛下唐文作特加裁察臣說誠惶誠恐頓首頓首死罪死罪陛下屯萬乘幸離宮暑退涼歸未降旨愚臣固陋恐非長策請為陛下陳其不可三陽唐文宮去洛陽城一百六十里有伊水之隔崕坂之峻過夏涉秋水潦方積道壞山嶮不通轉運河廣無梁咫尺千里擁唐文從兵馬日費資給連雨彌旬即難周濟陛下太倉武庫並在都邑紅粟利器蘊若山邱奈何去宗廟之上都安山谷之僻處是猶

倒持劍戟示人罇柄臣竊為陛下不取夫禍變之生

在人所忽故曰安樂必戒無行所悔此不可止之理

一也唐文郿城郿唐文福小萬方輻湊填城溢郭併錚

孤惇老疾流轉衢巷陛下作人父母將若之何此不

可止之理二也造設奇巧誘掖上心鑿山疏觀竭流

漲海俯窮地脈仰出雲端易山川之氣奪農桑之土

延木石運斤斧山谷連聲春夏不輟勸陛下作此者

豈正人耶詩云民亦勞止迄可小康此不可止之理

三也御苑東西二十所里唐文出入來去雜人

外無塙垣高禁內有榛藂豁谷猛毅出入來去甚多人

慈是憑陞下往往輕行警蹕不肅歷蒙密乘險巖

卒有逸獸狂夫驚犯左右豈不殆哉雖萬全無疑然人主之動不宜容易也易曰思患預防願陛下為萬姓持重此不可止之理四也今國家北有故寇觀邊南有夷獠騷徼關西小旱耕稼是憂安東近平輸漕方始臣願陛下及時旋軫深居上京息人以展農修德以來遠罷不急之役省無用之費澄心澹慮惟億萬年蒼蒼群生莫不幸臣甚自度芻蕘唐文議十不一從何者沮盤遊之娛間林沚之玩唐文規透圖而贊近適要後利而棄前歡未沃明主之心已揆貴臣之意然臣血誠密奏而不愛死者不願負陛下言責之職耳輕觸天威伏地待罪

諫潑胡表

唐文作諫潑胡戲疏

臣聞韓宣適魯見周禮而歎孔子會齊數倡優之罪列國如此况天朝乎今外蕃請和選使朝謁所望唐文當接以禮樂示以兵威雖曰夷不可輕易焉知無駒支之辯由余之賢哉且乞寒潑胡乞寒潑胡唐文未聞前典前典唐文故蹀體跳足盛德何觀揮水投泥失容斯甚法殊魯禮褻比齊優恐非干羽柔遠之儀唐文義樽俎折衝之道願擇藟言特罷此戲于冒宸極伏深惶惶惶唐文

論災異表

唐文作諫內

臣某言臣聞上天示下災祥將以誘導人主先王仰

觀休咎亦以順修政教易曰天垂象聖人則之言天
 人之際感通必矣臣伏見去年十月十七日月滿猶望
 應虧不虧今月十七日月亦未有唐文下虧此易常之
 異也夫月者至陰之氣臣下之象當助天作順唐明
 應期作應期唐文盈缺今唐文過歲逾時盈縮乖度得
 非臣下之咎而上天之誠耶伏願陛下深察熟思而
 預防之臣又見近日內宴夜深方罷小臣無識抑所
 未安王在在鎬凱樂飲酒此誠大雅之美也臣卜其
 晝未卜其夜此蓋春秋之義也伏願陛下宴樂之餘
 不及於夜臣職忝補闕昧死陳愚唐文下謹言二字

并州論兵唐文邊事表

臣說頓首死罪死罪言臣聞小忿不忍延起大患小
 罪不寬迫成大禍契丹奚背恩誠負天地不容之責
 然原其狀本是夷戎君臣不和自相誅戮耳所望聖
 慈且使其族類在朝者將勅書丹三告讓因其所欲
 立酋長而便定之或可不戰而定也必告之不馴則
 大發兵馬東召靺鞨西舉九姓來春未青數道齊入
 突干之首可拾而取未為晚也天恩若不恐以中國
 勞事蠻夷則嚴兵備塞棄兩蕃如糞土耳又許欽決
 擁二萬餘眾據五大之城有糧即守不可拔無糧即
 鼓而行歸何所慮也今遣史獻非時遠抄近掠其實
 甚難萬一未捷賊氣轉壯下臣愚昧不敢隱情伏願

聖恩再加裁度臣說誠惶誠恐頓首頓首死罪死罪
臣某云云

陳情表并批答侍郎唐文作讓起

草土臣說言臣私門凶咎喪紀未終不自毀滅苟存
聖代忽降制書復臣工部侍郎尋奉後命授臣黃門
侍郎震驚失圖哀悒隕絕臣說誠惶誠恐頓首頓首
死罪死罪臣弱年早孤母氏訓立得紹基構忝列簪
裾從官歷年晨昏多闕播遷遠裔離別又苦顧復無
荅報養何追心所摧感語不能喻甫至冬中禮及祥
禫今已春暮瞻言幾何是臣事朝廷日長戀几筵日
短乞寢嚴命許達私情訴哀唐文表祈天所望矜遂無

任荒迫之至謹詣朝堂路左奉表乞哀以聞謹言
省表具 卿操列寒松心橫勁草累遷臺閣咸播聲
猷不屈二兇之威獨全一至之節每念嘉歎無忘寢
興但青瑣位隆黃樞寄切爰奪苴麻之禮擢居 省
之曹朝命已行即宜斷

舉陳寡尤等表

文林郎陳寡尤年六十四州貫滄右出身四十餘年懷
道抱德博涉經史白首幽棲不求聞達堪激勵風唐文
化作俗處諫諍之官幽州節度使叅謀劉待授年六十
四貫京北府右懷德退靜立搵端確精通術數堪備顧問
四品予悉年三十二貫京北府右志定神和學精文遠達

皇王政唐政道通古今大義堪拾遺左右以前幽州都督兼節度管內諸軍經畧大使攝御史大夫燕國公張說奏稱臣身任邊城心在庭闕報國之志莫若進賢勅旨陳寡尤等三人宜並追取試練考覆臣說言知賢不達謂之竊位聞賢而拒是乃蔽君竊位冒也蔽君姦也有姦與冒何以事君臣前歲入朝特蒙顧問聖情側席懼有遺賢臣以寡尤三人上聞天聽中書宣旨取考覆吏部寫勅宣下文書三載于今一人不至夫輕進者是干祿之人靜退者是養高之士天下廉讓之風未長趨競之俗未懲若令所司引試招其隱逸士寧伏死巖穴焉肯拜侍郎之庭哉徒有

薦賢之名竟無進賢之實非朝廷禮賢之道豈陛下求賢之心近因奏謁具承天旨請勅州縣各以禮徵至京之日中書引見然後付與宰臣請言探願唐文作願必有可採寘彼周行如當謬薦罪臣所舉謹錄前舉狀本如前

舉陳光乘等表

開元九年正月日洛州臨武縣主簿陳光乘攝監察御史在

北河夔州歸州鎮將勤思齊見在桂州前申州叅軍戴師倩

在遭憂勅戴師倩勤思齊或身自有犯或逆人緣坐未

可擢用亦不須追以前狀準七月二十二日制內外文武職事五品以上官有奇材異畧堪任將帥者封

狀進內陛下垂心萬機親擇將帥欲大頓天網收羅雲逸今者塞北有屈強之胡漢南屯不羈之馬使邊郡憂患朝廷旰食此天下士君子飢待虜饑渴待虜血決命於凶奴之時也臣所舉前件三人光乘積學而善謀求之古人吳起韓信敵也師情沈勇而能斷求之古人彭越吳漢類也思齊忠壯而異材求之古人張飛許褚等也皆懷道藏器仰望明時羞自媒術莫能上達臣聞拔人於死者必捨生而報恩榮人於辱者必盡節而雪恥至如師情思齊亦嘗生竄死地其為屈辱甚矣如蒙拯將墜之命起已廢之魂一言所及百年可盡凡情尚知此况感激之人哉陛下發

使召之旬月可到試以軍事必立奇功若不如所言請受面欺之罪

進佛像表

臣說言臣去年行塞至朔州忍辱尼寺見有高祖太宗造金像銀趺刻題尊諱彼州女士屢覩唐文佛光臣懇思聖心如在咫尺伏以皇帝事業遠存荒塞拯溺救焚身勤慮苦歸誠佛寶何神不據信知功遍區域澤周生人心憑聖唐文靈躬履危險故皇天唐文睭唐文春命奄有邦家後嗣聖人欽承大寶當思由積德而興帝系本艱難而成王業先聖一心奉佛者蓋為百姓求福也陛下為繼文之主實創業之功再廓氛祲

重安廟社垂統萬億同符祖宗夫惟興王必籍佐命
咸有一德克享天心書曰非天私我有商惟天祐于
一德非商求于下民惟民歸于一德功臣同德可不
念哉物有小而感深事有微而傳遠臣謹將金像隨
表奉進謹言

進渾儀表并批荅

臣說言臣聞迎日授時莫先於歷象先天成務必歸
於制作伏惟開元神武皇帝陛下建中立極緯武經
文至德難名神功莫測於是定歷成歲立象考天紹
唐堯欽若之典遵虞舜玉_唐璿之義上皇能事於
斯備矣臣書院先奉勅造遊儀以測七曜盈縮去年



六月造畢進奏又奉恩旨更立渾儀臣等準勅今左
衛率府長史梁令瓚檢校創造於是博考傳記舊有
張衡陸績王蕃錢樂之等並造斯器雖渾體有象而
不能運行事非經久旋亦毀廢臣今按據典故鑄銅
為儀圓以象天使得俯察上具列宿赤道周天度數
注水激輪令其自運一日一夜天轉一周又別立二
周輪絡在天外綴以日月令得運行每天轉一匝日
行一度月行十三度十九分度之七凡二十九轉有
餘而日月會三百六十五轉而行匝仍置水櫃以為
地平令儀半在地上半在地下晦朔弦望不差毫髮
又立二木於地平之上前置鍾鼓以候辰刻每一刻

則自然擊鼓每一晨則自然撞鐘皆於櫃中各施輪
 軸鈎鍵交錯關鑠相持轉運雖同而遲速各異周而
 復始循環不息陰陽不能逃其數度度分至唐文不
 能隱其時究天地之幹運極乾坤之變化斯皆上稟
 聖謨傍獲神助臣等愚思非所能及望錄付史館宣
 示百寮使知告成之功迴超唐文越前古無任勤懇之
 至謹隨表上進以聞臣說誠惶誠懼

省表具之夫著明莫大乎日月變通莫大乎四時若
 法象無憑則調理將失朕博考前記稽合舊章有渾
 天之名無運行之度今故探彼遺意成此渾儀必當
 晷運無差陰陽有序此並卿所檢校以就厥功所請

錄付史館宣示百寮者撫心多愧敬依來請

進雋州鬪羊表

臣說言臣聞勇士冠雞武夫戴鷓推情舉類獲此鬪
 羊遠生越雋蓄性剛決敵不避強戰不顧死雖為微
 物志不可挫伏惟陛下選良家於六郡求猛士於四
 方鳥無遁才獸不藏伎如蒙効奇靈圃角力天場却
 鼓怒以作氣前躑躅以奮擊跌若奔雲之交觸碎如
 轉石之相叩裂骨賭勝濺血爭雄敢毅見而衝冠鷲
 狼聞而擊節莫將少助明主市駿骨揖怒蛙之意也
 若使羊能言必將曰苦鬪不解立有死者所願唐文
 至仁無殘量力取勸焉臣緣損足未堪履地謹遣男

附馬都尉均詣金明門陳進輕冒宸嚴伏深戰越謹言謹言唐文無

勸學啟并答令請唐文作

臣某等啟臣聞安國家定社稷者武功也經天地緯禮俗者文教也社稷定矣固寧輯於人和禮俗興焉在刊正於儒範順考古道率由舊章故周文王之為世子也崇禮不倦魏文帝之在春宮也好古無怠博覽史籍激揚令聞取高前代垂名不朽伏惟皇太子殿下英睿天縱聖步日躋神算密發雄威立斷廓清氛祲用寧家國兆人由是歸德六合所以推功主堯青宮固本也分務紫極觀政也副群生之望作累聖

之儲殿下之於天下可謂不輕矣監國理人可謂至重矣莫不拭目而視清耳而聽冀聞異政以裨聖道臣愚伏願崇太學簡明師重道尊儒以養天下之士今禮經殘缺學校陵遲歷代經史率多紕繆實殿下闡揚之日刊定之秋伏願博採文士旌求碩學表正九經刊考三史則聖賢遺範粲然可觀况殿下至性神聰留情國體幸以問安之暇應務之餘引進文儒詳觀古典商畧前載討論得失降溫顏開唐謹議則政途理體日以增益繼業承祧永垂德美臣等行業素輕藝能寡薄顧慙端唐士叨侍宮闈日夜祇懼無以匡輔區區微誠願効塵露輕進芻蕘庶唐望

垂採擢唐文臨啟如失伏用兢惶謹啟
 經史脫誤事資刊理自非通儒孰詳大義侍讀等昇
 堂觀真能定闕文今司經崇文皆有舊籍敬乘來教
 即令考序頃日以來未暇接對何嘗少選而忘德音
 尋當敘進群公冀聞餘論令仍錄留啟本以代書紳

張說之文集卷第二十七

張說之文集卷第二十八
序

大衍曆序

中宗上官昭容集序唐文作唐上
官氏文集序

孔補闕集序

洛州張司馬集序

讌會南省就竇尚書山亭尋花柳宴序唐文無讌
會二字

會友序唐文作會
友詩序

鄴國公園池餞韋侍郎神都留守序

送工部尚書弟赴定州詩序

送田郎中從魏大夫滅胡序篇滅胡唐文
作北征

和戎篇送桓侍郎序

送廣武令岑羲序

送嚴少府赴萬安詩序

送毛明府詩序

送張先生還姑射山序

大衍曆序

特進集賢院學士修國史上柱國燕國公臣說言歷者先王以明時授人敬天育物者也宸極恒居斗運不息晦朔相推而變月寒暑往來而成歲日月右進周天之度啟星辰左旋正時之氣合積餘分而置閏配甲子而設節鳳鳥為司疇人受職分分而加之者

百鈞必過毫毫而減之者千里必差何則古法存而其人異也不有大聖誰能起之惟開元神武皇帝陛下欽崇天道 徽月令受命再新改制創歷十有三祀詔沙門一行上本軒頊夏殷周魯五王一侯之遺式下集太初至于麟德二十三家之眾議比其異同課其疎密或前疑而後定或始會而終乖振古未探之象必發揮於神算大鈞不測之氣盡翫縷於天聰迺更審晷度晷度唐文之短長覆星間之廣狹繩九道之眇眇紉五精之進退叅大衍天地之數綜八卦六爻之序一轍於文王也覈春秋交蝕之辰研九疇五紀之奧有同於孔子也杼軸萬象優柔四載奏章

朝竟一公夕落臣說奉詔金門成書冊府先有理歷
 陳景善算趙昇首尾參互之言接承轉籌之意因而
 緝合編次勒成一部名曰開元大衍歷經七章一卷
 長歷三卷歷議十卷立成法十二卷天竺九卷執歷
 一卷古今歷書二十四卷畧例奏章一卷凡五十二
 卷所以貫三才周萬物窮數術先鬼神稱制曰者即
 聖人顧訪之旨標謹按者是歷家進對之詞非軒后
 至聖不啟履端之業非容成詣極不就歸餘之經據
 其圖也七政之天心不遠守其術也千歲之日月可
 知蓋中黃之寶符大紫之神器者也謹以十六年八
 月端午赤光照室之夜皇雄成紀之辰當一元之出

符獻萬壽之新歷伏望藏之書殿錄於紀言掌之太
 史頒於司歷制曰可

中宗上官昭容集序奉

勅撰

唐文作唐昭容上官

氏文集序

臣聞七聲無主律呂綜其和五絲無章黼黻交其麗

是知氣有壹鬱非唐下下辭莫之通形有萬變非文

唐文上莫之寫先王以是經天地究人神聞唐文寂

冥鑑幽昧文之辭義大矣哉上官昭容者故中書侍

郎儀之孫也明淑挺生才華絕代敏識聰聽探微鏡

理開卷海納宛若前聞搖筆雲飛咸同宿構初沛國

夫人之方娠也夢巨人界之大秤曰以是秤量天下

及昭容作唐文既無唐文生彌月夫人弄之曰秤量天下豈在子乎孩遂啞啞應之曰是生而能言蓋為靈也越在襁褓入於掖庭天實啟之故毀家而資國運將興也故成德而受任自則天久視之後中宗景龍之際十數年間六合清諡內峻圖書之府外闢修文之館搜英獵俊野無遺才右職以精學為先大臣以無文為恥每豫遊宮觀行幸河山白雲起而帝歌翠華飛而臣賦雅頌之盛與三代同風豈惟聖后之好文亦云真主之協讚者也古者有女史記功書過復有女尚書決事宮閣昭容兩朝專美一日萬機顧問不遺應接如響雖漢稱班媛晉譽左嬪文章之道不

殊輔佐之功則異迹秘九天之上身沒重泉之下嘉猷令範代罕得聞庶姬後學嗚呼何仰然則大君據四海之圖懸百靈之命喜則九圍挾纊怒則千里流血靜則黔黎又安動則蒼旻罷弊入耳之語諒其難乎貴而勢大者疑賤而禮絕者隔近而言輕者忽遠而意忠者忤惟窈窕柔曼誘掖善心忘味九德之禰傾情六藝之圃故登崑巡海之意寢剪胡刈越之威息璿臺珍服之態消從禽嗜樂之端廢獨使溫柔之教漸於生人風雅之聲流於來葉非夫玄黃毓粹貞明助思眾妙扶識群靈挾志誕異人之寶授興王之瑞其孰能臻斯懿乎鎮國太平公主道高天唐文妹

才重天人昔嘗共遊東壁同宴北渚倏來忽往物在人亡憫雕瑄之殘言悲素扇之空曲上聞天子求椒掖之故事有命史官敘蘭臺之新集凡若干卷列之如左

孔補闕集序

唐會稽孔季翊字季和識真之士也弱冠制舉授校書郎轉國子主簿年三十一卒於左補闕祖紹安中書舍人考楨絳州刺史季和清規素業有奕代之訓依仁遊藝其聖者之後永昌之始接跡書坊有廣漢陳子昂鉅鹿魏知古高陽許望信都杜澄昌樂谷倚廣陵馬懷素東萊王無兢河南元希聲臨淄李伯魚

譙國桓彥範僉謂季和神清韻遠析理探微衛叔寶之比也嗚呼人斯云亡世閱多故十年之外零落將盡而後死死唐文皆首華金步鳴玉負璽丹地揮翰唐文紫宸何嘗不拜職之日歎在劉王喬臨壇之時恨無謝益壽者矣頃見許州之子風裁可觀潘子之門有尼夏侯之學傳建集作者五卷以示予稱從弟四人皆良器愴相如之遺草幸公業之不亡因敘曩意存之篇首云爾

洛州張司馬集序

夫言者志之所之文者物之相雜然則心不可蘊故發揮以形容辭不可陋故錯綜以潤色萬物唐文鼓

舞入有名之地五音繁會唐繼出無聲之境非窮神
 體妙其孰能與於此乎洛州司馬張公名希元中山
 人也族高辰象氣壯河山神作銅鈎天開金印孝友
 內植禮樂外滋厲行閨庭鄉人謂之曾子飛名都邑
 諸儒號曰聖童下帷覃思穿墻嗜古蓬山芸觀之書
 群玉懸金之記魯宮藏篆汲冢遺編無不日覽萬言
 暗識三篋博學吞九流之要處盈若虛雄辯敵四海
 之鋒退藏於密漢王問策知帝者之師楚子聞名實
 諸侯之選故得雄飛白簡鷹揚丹筆卷旆幃於大郡
 設鈎距於皇都若乃坑埋輪之章執驚馬之義旌賢
 有通德之教疾惡存署背之文繼軌前途遇物成典

理關刑政咸歸故事之臺義涉箴規盡入名臣之奏
 加以許與氣類交遊豪傑仕邁夷險身更否泰昔嘗
 攝戎幽易謫居邛雋亭臯湯湯懷唐文去國之悲旗
 鼓洶洶助從軍之樂時復江鷺遷谷唐樹隴鴈出雲
 夢上京之臺沼想故山之風月發言而宮商應搖筆
 而綺綉飛逸勢孤標孤標起唐文奇情新拔靈仙變化
 星漢昭彰感激精微混韶武於金奏天然壯麗絳雲
 霞於玉樓當代名流翕然宗唐崇尚自大夫人之頌成
 室太史之賦京都魏則十龍儒雅晉則三陽藻綴朝
 分南北運迄周隋文人才子重世間出豈止柎榴體
 物陳琳得以示人鶴鶴寄辭阮籍稱其王佐故以開

國籍鱗次乎史傳之首入文場羽儀乎天下之半公
 增繁榮葉桂林之一枝彌廣源派荆江之九派宗門
 多士斯為盛歟且如承家舊德之基賓王厯官之序
 玉瑄銅渾之數黃公元女之符落猿瘞咒之巧顧鵲
 回鸞之妙詳諸別傳可畧言焉某室邇蘭芬族聯棟
 萼荷千里之嘉獎接四友之良遊謹撰令引式題前
 集七子賦詩期取類於鄭志一家垂範庶齊衡於孔
 藁來日新文請俟唐諫君子起儀鳳之後迄景龍以
 前凡若干卷列之如目

燕會南省就寶尚書山亭尋花柳宴序唐文無燕會二字

尋花柳者上賜群臣之宴也大哉春氣同夫聖心無

物不榮有情咸達况乃五教敷洽萬邦懷和尉候警
 而莫犯刑法存而不用厯觀近古此遇良難諸公入
 金門侍瑤殿窈窕雲閣葳蕤華綬唐文館不亦泰乎然
 王事靡盬夙夜在公接良會於愷澤散煩襟於清曠
 不益佳矣益佳矣唐文亦優乎爾其嘉賓爰集勝賞斯備召
 絲竹於伶官借池亭於貴里雕俎在席金羈臨唐文駐
 門遠山片雲隔層城而助興繁鶯芳樹遶高臺而共
 樂旨酒未缺方塘半陰合陳既醉之歌唐諫以永太
 平之日

會友序唐文作會友詩序

谷子者昔與說連務蓬山出入三載事志相得情深

友于尋屬吾人秩遷迫吏畿劇愛而不見春也載華
 今說復謝筆唐文書坊唐文云補他職窮猿之意不
 擇儒林喜且把袂舊筵解帶餘日卧玩文墨笑說唐
作平生茲歡豈多後面方永沈沈春雨人亦淹留

鄴公園池餞韋侍郎神都留守序

夫良才出乎休運大任歸乎令德四海既安乃注意
 於賢相兩都分正實具瞻於唐文尹師鸞臺侍郎兼
 左庶子韋公國之楨幹人之表儀矜嚴有叔子之容
 時重得陽公之望閨門唐文禁省當朝稱累代
 之名管綜諸闡帖職盡一時之美頃以五星東聚八
 月西巡武王既入於鎬京君陳當往於洛邑中日晷

之盈縮均天宇之會同清廟明堂政理之本也教唐
作倉武庫兵食之原也機務所總半天下之軍國聽
 訟實繁連海隅之郡縣恩有密而處遠事有疎而受
 親腹心遐寄惟賢是屬歲臨單闕月在長贏同蕭何
 之居守當陰識之留真北闕拜辭西堂宴餞大君垂
 藻承月露之光榮元良賜服被星海之輝唐文潤執
 事以同列之好載壺酒而送行鄴公以彌甥之禮掃
 郊園而留別此地有離洲別嶼竹館荷亭曲池環合
 而連注藁山相望而間起幽隱長寂蕭條遠風通終
 南之雲氣下昆明之水鳥爾其駐馬青林肆筵碧岸
 清管四發坐客增悲高臺一望遊人忘返韋公方祇

率嘉命保釐成周樹之風聲流我王澤然而臨觴不
 落首路遲遲瑣闥夕拜戀未央之宮闕錦服晝遊懷
 杜林之桑梓層城日下高蓋雲飛天子賦詩已載寵
 行之史群公盛集須傳出宿之文凡若干首合成一
 卷陸生何幸暫遊朝宰之間唐文班商也斐然輕述國
 風之序云爾

送工部尚書弟赴定州詩序

宵旰天子送冬卿之詩也河朔愆歲恒陽俟收借威
 六官導俗千里俾乎列城遷仰止之化鄰境蒙波及
 之澤不然者豈一小郡而勞大賢哉尚書河東侯朝
 廷之舊宰也操法度於掌握運陶鈞於方寸是將敷

皇惠寒谷挾纊而知暄暢君恩疲人飲德而自飽蘇
 其槁瘁樂我陽和亢宗殿國亦望於此于時春帶餘
 寒野銜殘雪太官重味御酒百壺供帳臨歧假絲竹
 以留宴傾城出餞會文章以寵行三台厚嘗察之意
 八座深聽事之矚既而離人遽起班馬爭嘶尋太行
 之連山想邯鄲之長陌雖仰瞻鴻雁來往易於前期
 而相對桑榆遲暮難於遠別送歸之地歡悵如何應
 制華篇凡若干首騫翔鸞鳳欲掛千金之木亂合蛟
 龍附藏群玉之府置之懷袖以慰遐心云爾

送田郎中從魏大夫滅胡篇序

唐文無滅胡二字

夫王者所以威四海攘六夷雖在德與兵亦云有數

焉爾歲纏奮若月交臯且皇帝有天下之十二載也
 金精東上雄漢國之兵形天道南來告胡庭之運盡
 帝曰亞爾倅朔方文廟授鉞御閑錫馬太卜禎辰乘
 輿餞宴臨長樂而推轂頓近郊而誓旅總部曲統五
 羌署將士校侯王班律事功列而後動于時大雨洗
 兵長風憤角雷輻轂野而千里霜戟林森而萬隊左
 翊碣石右角臨洮鐵騎連光金鼓接氣秉旌旗掃朔
 漠縱熊羆獵葦澤故將埋龍海夷鴈唐文關郡高闕
 縣盧山碣陰陵以築觀醢單于以享士東震浴日西
 盪弱水立不世之奇功報舊年之宿恥已矣以衆有
 素飽之怒將有必取之謀加唐文田生耀武炳文運

籌入幕平戎之業不再舉矣於是南宮舍郎東觀墨
 客朋修合俎載酒同筵攄憤作歌臨途贈劔勉哉夫
 子尚桓桓焉

和戎篇送桓侍郎序

和戎送相侯之詩長安三年吐蕃乞附中國有聖殊
 俗向風納虎豹之文修蒲萄之貢憬乎分六狄之種
 類包九羌之山谷前代罕羈歷年多梗至仁深感今
 也來王鳳閣舍人攝鸞臺侍郎相言重一國妙結成
 之選志澄四方俞即敘之征春季今日張旃首路置
 酒中省歡言少留同列穆乎匪他舊寮嬰其相應夫
 廣覆如天博容如地德流膏雨懷洽異順乎太和以

樂生遂性者聖主之用心也罷甲兵垣唐文壇壇場厚
 忠信親蠻貊臻夫無事以繼好息人者國家之急務
 也遇非常之時決希代之策金幣以將命歌鍾以報
 勳驅戎心於殼中一王化於海外此亦使臣之盛業
 是一行也有三美焉凡所賦詩以存大雅云爾

送廣武令岑羲序

岑明府者履困能亨在邦必達荆吳南國久鳴鶴於
 江臯河洛東門俯棲鸞於制邑今樽道別甲第辰開
 軒蓋下鳳皇之池文翰動麒麟之閣味以甘旨穆以
 絲桐高堂自風良木退暑不可留者光影不得已者
 別離白雲四飛黃河千里古來岐路共此悠悠賦詩

者以寵行也

送嚴少府赴萬安詩序

時哉天啟元聖山翰股肱飛鶴銜書幽求鬼谷之路
 潛龜載籙振奮明庭之下禮靡淑而不優遜無遐而
 不至三蜀嚴子西南之選也登英江漢胄德沈宜志
 量夷雅情幾深祕煥乎炳凌雲之才褒然光大風之
 舉敷陳青簡茂三道而登科名聞赤墀拜一命而于
 唐杖吏蜀門勝地邑雄左縣岷山故鄉人縈衣錦既
 而飲冰從政選日戒途方將越碧巖之衆艱唐難阻
 涿江之多險顧瞻周道載懷京邑綺筵臨路而告別
 朱蓋傾城而出餞衣冠成市翰墨為林增樂府於蜀

道嗣文集於金谷是日孟冬十月朔風四起高天清
迥孤雲不飛長衢蒼茫寒木無影之子于邁跂予望
之豈云路遠交有鳴鶴之義無以位卑士有勤人之
道贈言凡什錄為一卷

送毛明府詩序

昔之謂良宰者講道議行訓俗式人出自郎官遷登
郡守不以才限流品位迂適唐寵賂聖歷之際任賢
稽古毛明府執德不回發言無擇雍容文雅罷曲江
之曳裾樽酒絃歌即平卿之製錦甲朝辭洛宴別嘉
賓孟夏涉河路踐芳草眷彼燕趙頃罹戎羯唐寇金
草毒三北之師杼軸醜二東之賦毛公將勝苛居簡

止濁徐清不下堂而為理有入境而先歎朋知座間
絃望何時益賦金谷之詩遠送邯鄲之陌愛而不見
同夫樹萱

送張先生還姑射山序

姑射之壑巖兮曲有龍蛇于其中迹不違喧竭來朝
市之遊心不忘寂復歸林壑之幽帝城為別臨御溝
之潺湲青山可望嘉白雲之徘徊亦有詠歌式旌離
意

張說之文集卷第二十九

制誥

對文苑科制冊唐文苑科對策

神龍享廟習樂議

別漢祖呂后五等論

卿士誥

政書三章

上帝善兵不陣章

修五嶽四瀆章

元昌元年對詞標文苑科制冊并問

問朕聞立極開基之主經文緯武之君莫不法象殊

流汚隆異制至於安人導俗咸即運以垂芳緝化宣
 風各因時而播美是以道孚繩木爰膺九翼之年圖
 祕龜龍用啟六爻之代窮桑御歷狎威鳳以踐司軒
 邱列位因景雲而命職徵汾陽之跡則十政方凝俯
 河濱之化則四門攸闢祥披玉斗理九土以興功祚
 徒金精調五聲而作教周崇六禮仁義之道為先漢
 設三章皇霸之圖斯雜皆所以牢籠八際際括三靈
 齊四大以居尊協五神而稱正且隨時之義既不相
 沿師古之言又聞前誥朕欽承先聖對越上元當守
 興懷鎮切推溝之慮凝旒結想方深馭朽之情思所
 以式展宏猷勉庶績而撫茲薄德昧此永圖爾等

並積學多聞含章獨秀未顯疇庸之德宜申待叩之
 音適時之務何先經國之圖何最帝皇之道奚是王
 霸之理奚非佇聽良謀唐文朕將親覽

對臣聞舜命昌言漢徵極諫嘗覽千古賢哉二君今
 陛下發德音下明詔唐制選空巖穴訪匪輿臺大哉

邈乎過之遠矣臣以草茅之賤謬忝車乘之招誠不
 足以庶幾王庭允塞天闕允塞天闕唐文伏讀聖旨

乃知天情之所存焉臣聞昔者鳥跡代繩龍文演卦
 水土遷王時更萬祀金木互興人非一姓暨乎三皇

五帝氏往夏殷周漢氏作或導人以禮樂或驅俗以
 刑政或救唐制弊以忠敬或沿風以文武非師古言

唐文誥有殊蓋隨時之義異也伏惟聖母神皇陛下
 誕受鴻基光膺駿命粵若立極格天之業論道布政
 之典任賢尅暴之功出洛非唐文雲之瑞此並藏緯
 玉冊勒休金板鬱映唐文於前古揚光於後葉者矣
 至若創業垂統之則宏猷永圖之義重光三聖再清
 六合可不謂然乎猶復惕慮推溝勞謙御朽謝文明
 於薄德想疇庸於下問此陛下之至讓也愚臣何足
 以知之策曰適時之務何先經國之圖何最臣聞古
 者因人以立法乘時以設教以義制事以禮制心夫
 人者理得則氣和業安則心固崇讓則不競知恥則
 遠刑若強人之所不能雖令莫勸禁人之所必犯雖

罰且違故曰政不欲煩煩則數改數改無定人懷苟
 免之心網不欲密密則深文深文多傷下有非辜之
 懼竊見今人之俗吏或非正人以刻為明以苛為察
 以剝下為利以附上為誠綜覈之司考課專於刀筆
 撫字之宰務職期唐文為簿書陛下日昊雖
唐文勤守宰風化多闕臣以為將行美政必先擇人
 失政謂之虐人失人謂之失唐文為政捨人用唐文為政
 雖勤何為臣願陛下進經術之士退掊克之吏崇簡
 易之化流愷悌之風畫一成歌此適時之務也慎賢
 而用此經國之術唐文也苟能英才不棄大化方隆
 而猶曰朝謝垂衣野非擊壤則文武之道尚何言哉

堯舜之君徒虛語耳策曰帝皇之道奚是王霸之理
奚非者布在方冊臣聞之矣皇人馭歷上淳而下信
帝者膺期君明而臣哲周用王道教化一而人從漢
雜霸功唐道刑罰嚴而俗偽故親譽優於畏侮文景
劣於成康臣謹對

問朕聞禮崇三典方宏慎罰之規書著五刑不以深
文為義朕君臨赤縣子育黔黎夏日貽憂懼青牛之
結氣秋荼軫念慮丹筆之成寬然以人尚掛於湯羅
情倍深於禹泣項者荆郊起稷淮服挺妖朕惟罪彼
元凶餘黨並從寬宥今敬真之輩猶蘊狼心不荷再
生之恩重構三藩之逆還嬰巨壘便犯嚴科豈止殺

之方乖於折衷將小慈之澤爽彼大猷子大夫等學
富三冬才高十室刑政之要寔所明開傾此虛襟佇
聞良說

對臣聞刑以助教德以閑邪先王慎於好生大易誠
於緩死今陛下父憐父憐唐文黔首子育蒼生孚佑

下人克配上帝然有東南小稷荆蠻遠郊聖德泣辜
尚用防風之戮天心罪已仍勞淮甸之征其有註誤
閭閻脅從井邑陛下愍孤孀於海淮恤困窮於江漢
捨從寬宥此陛下之恩也而映唐文爾餘孽蠢茲頑
頑凶思弄兵於潢池之下遂唐文構難於戎夷之域
罪盈稔貫禍得萌芽此又陛下之明也今陛下乃賜

臣策曰豈止殺之方乖於折衷將小慈之澤爽彼大猷臣實見折衷大猷之規不知小乖微爽之義也策曰刑政之要實所明閑臣聞政猶水火刑譬陰陽頃者三監亂常有司既紕之以猛于今四罪咸服陛下宜濟之以寬明肆赦之渥恩安萬人之返側布深仁於羅鳥收至察於泉魚豈不大哉天下幸甚且夫人者眊也闇而不可罔庶者衆也愚而不可欺是故刑在必澄不在必慘政在必信不在必苛故明王之理天下也刑一則人畏而不干政簡則俗齊而不偽於是禍亂不作灾害不生君安於上人唐文悅於下百姓日用而不知其然四海風動惟帝之則道暢鍾石

聲流舞詠其行已也非他所理人者以此刑政之要庶幾一隅臣謹對

問朕聞仰觀乾象者心為布政之宮俯察坤元河洛建受圖之所是以上稽星唐文緯佇風雨之和下表圭塵均遠近之節定都考室斯急唐文馭是崇願以庸虛忝膺大寶乾乾夕惕每軫納隍之懷懍懍霄興恒勞御朽之念而昊穹睠命靈貺屢彰雲構既隆天城斯畢是用內省多愧上荅逾勤將欲殷薦有常嚴配不墜光啟惟新之躅申明祀典之方順四時以布和風考五物而行正氣盛禮之要猶慮未宏爾等並積學基身含章表質或遠從賓貢聲滿於州閭或遐應

搜揚譽光於朝選採皇王於臬旨援周漢之前蹤韞
 彼宵襟咸應備曉未知何代之政參詳適中何禮之
 規施用為切務存必簡之道式崇可久之基試陳嘉
 謀爾其揚推思擢太常之第副朕求賢之意
 對伏惟陛下則天法地畏命重人據河洛之規模總
 風雨之交會軒后魚圖之水建邦設都周公龜墨之
 地考堂考唐文室靈祇降福嘉祥薦祉制同神造力
 以予來將以殷薦上帝至德唐文也嚴配先王至孝
 也加以八風攸序四時克諧無得而稱能事畢矣猶
 復執勞謙之不已懼盛德之未宏訪末學之臣詢稽
 古之政斯事體大臣何足言然而敢不欽承以竭涓

滴耶策曰何代之政參詳適中何禮之規施用為切
 臣謹錯綜三五明徵典謨竊以緯武經文布方策而
 非遠英風顯號流頌聲而可襲而未有反義背德而
 致昇平之政棄禮遺唐文經以克永終之祿莫不發
 令施惠發令施惠唐文法乾坤之動靜執契懸衡順
 金木之刑德是故青陽元室遵孟仲而觀風白輅朱
 旗因離兌而布政養老用上庠之禮教胄取太學之
 儀環水著辟雍之名嚮陽表明堂之位蓋所以享群
 瑞朝唐文諸侯頌朝唐文朔調景緯成易簡之基隆
 久大之業也皇上臬旨庶此詳探周漢前蹤固難專
 用臣才智駑劣草莽鯁生至如軍國務廣政刑理急

但至意唐敬無文信言不美陛下欲聽其說必觀於
事將達其謀先求諸道危言抵禁破膽寒心伏惟聖
主稍留天聽臣謹對

神龍享廟習樂議 永徽實錄

永徽元年正月庚戌有司言依禮享祀郊廟皆奏宮
懸比停教習恐致廢忘伏尋故實漢魏祇祔之後庶
事如舊國之大禮祀典為先今既踰年理合從吉若
不肄習實慮不調誠敬有虧致招罪責制曰 朕雖
迫諸故實俯從漢制而憂哀盈內未曾弭忘豈欲聞
大帛成均調習管奏今太常所請援引舊章郊歌報
諸天地廟樂成于功德所由來重非謂朕私宜依來

請七月四日享廟習樂右得政事帖令諸司長官及
禮官學士等議定者

議曰吉凶異儀降殺殊節以日易月自久行之其在
凶時不可言祭祀既祭之後不可存凶事若祭而廢
樂吉不除凶是五禮交亂而吉凶駁雜夫王者奉神
祇承宗廟二至郊祀四時蒸嘗鼓鍾所以格上下之
神舞詠所以象祖先之德於其有祭不可闕也今山
陵已畢清廟既祔於禮則吉祭於時則踰年宜遵漢
禮以復常度請舉永徽故事以行先朝之典議謹

神龍二年七月別漢祖呂后五等論

或稱漢祖建五等封異姓其計得乎高后立四王非

劉氏其事順乎嘗試論之曰夫思理惡亂體國之常理去危就安宅生之大域然而制業圖遠隨化會機是非較於毫釐得失差於興滅可不謂然乎揆夫高祖造漢殷鑒亡秦宗族無尺寸之封子弟立虛空之地故眾枝莫助而孤根易拔封建之心肇此又謂大業可以力取神器推於命歸思得攬四海以獨富舉百群以從欲而外誘異端內疑成計及見群心交阻偶語間興適悟天下不可獨理專欲不能蓋眾分利推恩先封雍齒然後將士斂手不懷反覆豪俊息意知難於動五等之制於是行焉既而鑾輅龍旆皆五室昭穆黼衣朱黻即功臣子孫君利世祚人安定主

上感子愛之情下結體信之志群后因犬牙之勢匹夫絕鳥合之舉此所以為計之是也 創五等之議不遵三代之典境土踰溢隄防漏下權敵上都制方偶國過當啟陵僭之端怙強 交爭之 賈誼痛其將亂晁錯憂其必危卒使諸侯失節朝廷忿忌此所以為計之非也且夫中興之主不讓肇基之勲成務之臣有高佐命之力故禮樂大備取惟新之格言琴瑟不調除仍舊之弊法觀乎孝惠既崩高后稱制侯王諸呂何不可哉當若早署祿產之位宜序親疎之節小其國以圖全薄其勢以遠害而陳平周勃亦分茅錫土將相之後誓同山河舅甥之國睦若唇齒預

閉覬覦之心不踐嫌猜之路克復明辟決自我躬高
謝壽陵不負先帝安有齊兵之觀變代邳之危疑哉
此所以為計得也神害久盈物無兩大以呂氏之盛
跨漢朝之權專禁兵以候疑秉大政以速謗趨睢異
姓畜姦候隙刺臣侶大側目相視自投機穽實履憂
虞此所以為計之失也嗚呼物有益之而損損之而
益凡人臨事多惑視往則明向使高祖呂后觀既往
之勢折當時之疑斷必全之策杜未萌之禍則惠文
之間無劉呂之難哀平之末有晉鄭是依况復周陳
諸家休戚連漢黎獻思德謳歌未改雖天命興廢孰
能明之然人謨協密必無悔矣

卿士誥

維皇周正位四海肇有八載東胡淪邑遼戎方興再
駕夷兵邦人各將說自邊上謁在王庭大夫卿士師
錫曰咨惠迪吉從逆凶王師攸暨嚮風如流乃天道
蠢爾戎羯作為鯨鯢迺往狄泉春天兵留威金草遺
利企予黎獻猶豫於遠聞我之憂心如彼晨月丕未
云缺魄兮無光庸詢哲人發滌蒙滯古之人當日官
占怠職龜策宅裏軍禱不輕鬼神未福月辰孤忌風
雲汨迷豈謂失天破山 厓戎車溢群山亂谷譎若
波濤澗穴隈隱姦匿暴發豈謂失地賤賞慢罰二令
疑刑飲食不同五兵不習耳目不遠將士不親豈謂

失人維茲三失衆愆有一軍病而視諸掌厥載斯明
 明爾無疹疹乃司言天將以爾為干羽說拜稽首曰
 不出谷是利我實共之功戰其術將軍則有允若豈
 燔牙師皇天其驕我急人戒夏增政啟迪暮訓荒集
 厥後雖則爾爾然亦亂於衆曰君授兵不可以貳臣
 受命不可以疑伊貳與疑動罔知吉軍罔以專功趣
 利師罔以私怨違同與戎攘災不以逞欲尅敵非寶
 德在安人先王豈夫天利則征地利則陣人利則進
 三者未備則修德俟天而內守式簡上帝式率九土
 式綏兆人於戲邦人榮懷維公卿士乃尚敬周采有
 宏贊天休乃無向原同流以作胡羞

政書三章

上人曰儒書謂為變理陰陽變和也理治也吾聞之
 非人也則不然燹鳴理音燹鍾理律嘗試思之窮討
 其至人神之主心人之主心之與神其本同域是故
 聞一人之善言萬心悉從聞一樂之善聲萬神悉同
 以心感神必通矣夫心之所起發於思思之至極形
 於言言之不已求其聲聲委曲成其音音之倫序是
 為樂六律六呂五音七聲上下相生陰陽相召皆出
 人之心也心正則思正思正則言正言正則聲正聲
 正則音正音正則樂正夫以正心正樂而感天地神
 鬼陰陽可得而和也况鳥獸人民之心乎然則樂音

之末聲音之末言思之末思心之末故至音之感無樂至聲之感無音至言之感無聲至思之感無言至心之感無思矣天王天后之子生而天神者天之所祚也王者萬國之宗春者四時之首立春之日天王齋居專念陳稼穡之器雞鳴北面請上帝之明神為萬人祈一年之福曰風雨時百穀熟五教興行上下和睦神之降鑒仿像有覩若無覩也涕泣懇到而祈之王后是日亦齋居專念陳蠶績之器黃昏北面請上帝之明神為萬人祈一年之福也蠶績大成內則專貞神之降鑑仿像有覩若無覩也涕泣懇到而祈之天王之子齋居一日為國家祈一年稼穡之福

天王之女齋居一日為國家祈一年蠶績之福凡齋戒啟祈必誠必感所以為人祈福者將以報天之祚已也夫歲受萬國之奉而為一日罄心大勤欲外責臣下之忠上求陰陽之順者未之有也過此以往則吾不知

上帝善兵不陣章

上人曰帝釋修羅用兵上界喜怒未盡彼我生焉人生於世必有主宰物極曰帝其居上界左一龍居曰三右二神居曰四各以介位奉上帝成天地生萬物風應也神奉之雨應也龍奉之風之象乾雨之象潤天龍也龍類咸奉天神也神類咸奉是以聖人法象

乎天地宗事乎神明上界之龍尊於神下界之神尊於龍君子用心安世界護蒼生能以左一右二左三右四之法視龍神之介吉凶得失可先事而見矣故上德之兵使神下地之兵使人乘王守介不戰曰仁乘勝守位不戰曰道德之區域各有介位龍神亦然國不義禮不厚則善者順天而討之獲害不血非宅君之仁君道也君以主人將以守國各以神氣以象山川權平豐下東將權高魚喙西將庭高胡面南將龜頭鳥喙北將凡行師先告於岳瀆徵龍神之樂投於將帥於是乎將帥左一以事龍鼓四而陣授甲執兵東面而立肅然無聲將服先望察龍軍之氣雞

鳴後止右二以事神黃昏而陣授甲執兵西面而立肅然無聲將服先請望察神軍之氣鼓三而止夫將有三位欲人不知中將之介左右威儀祠告望氣之位若夫遠則以理近則以步步多則萬計少則百數一二三四十分之度神之位軍右四里龍之位軍左三里標墀以處之龍軍之候人以拳勇神軍之候人以福德其致之也迎謝而祭之其請往也精意而告之俾先拓敵審候其歸以察勝負往必祭遣歸必享謝上利三為福中利二為福利將為福龍神之行其界百里里二軍全勝為上利則進師七十里龍神之福地也一軍徧勝為中利則進師五十里餘二

十里神龍之福地其利獲首也進師不越福地以禍首謝其人民告其鬼神受屈而若神龍告而不往為下利則懇惻自咎易營內外三日不利則擇地退師又不利擇水退師又不利將咸變色告于上帝凡物二軍未成則依講武順法而行以軍之氣病者起羸者興戎畜奮鬣勇逸不食此其候也凡軍行遇禽獸必審察所從逆而避者進半而上逆而突者止軍而祭水土順善左右過者祝之止進標置二軍以祈之觀其象變其色以應之夫物各有類時各有利神勝先徒龍勝先騎我不越界而侵彼彼來入吾福地可迷亂也惛惑不戰而克蓋神道不欺自然之

理也

蒼嶽醜河修五嶽四瀆章

總萬物者莫妙乎神享萬類者莫大乎心一其心致其神以利萬人者莫尚乎聖人御氣者天也成形者地也人以之生焉人神之主也世理則山川鬼神罔有不寧世亂則天地易位人神雜擾聖人統世靜則一動靜相循自然之數也二者文武之事一者文武之道能知文武之道同體於一者可以贊天地而祐萬物矣文為柔武為剛柔為陰剛為陽陰密者神之類剛健者龍之象龍者神之蓄也神者鬼之官也龍神有王自相宗長各帥部屬司其疆界上有宗廟龍

神所奉正直不佞以制其下龍神將行啟而後動神
 府於嶽龍宗於水以求之則可致矣靜可以之祚人
 動可以之導軍龍以左之神以右之聖人以神道設
 教而人服矣天有介野地有封圻神有位矣居上為
 尊處下為卑類相統矣五嶽四瀆十二州三十六郡
 各置其介尊神臨之唯誠是 故舉賢以為人長使
 之教人於是乎修五教選正直以為神官河嶽各三
 文而二武參以天官之人使之事神於是乎而陳信
 是以神降和氣大致休徵風雨以化之水土以變之
 決於肌膚達於骨髓潤其枝葉漸其根萌擴戾之情
 息孝慈之心生萬類皆順動植無天每歲之終課有

方嶽所統之介其善也告于天地禮于河嶽以報神
 也使其方任之長與奉神之官以勸人兢兢業業日
 慎一日不敢怠違以克已也故歲嘉必報神而勞人
 再則錫之三則陟之歲有不臧神降微咎物有不成
 人有疵癘則求其政闕思其事違以自 訟啟于天
 地讓于河嶽以警神也威其方任之長與奉神之官
 以督人也故歲必讓神而誚人再則貶之三則黜之
 夫黜陟夫三為節者天灾流行化及其地三歲不易
 人無功矣心合於順位合於賢以此令神而匠世所
 以自天祐之 無不利上人曰唇嶽醵河之義也如
 此

張說之文集卷第二十九

[Faint bleed-through text from the reverse side of the page]

張說之文集卷第三十

雜著

幽州論邊事論 唐文作論幽州邊事書

與褚先生書

與鳳閣舍人書

與鄭駙馬書

與魏安州書

與營州都督弟書

與度門禪衆書并僧一行荅

神兵道為申平冀州賊契丹等露布 唐文作

郡賊王契武懿宗平冀州

論神兵軍大總管功狀

試洛州進士策問四首

兵部試將門子弟策問三道

兵部試沈謀祕算舉人策問三道

獻壽表

讓中書侍郎表

讓平章事表

讓兵部尚書平章事表

讓右丞相表

讓右丞相表

讓右丞相表

荊州謝上表

岳州刺史謝上表

謝賜碑額表 制荅

謝公主出降期表

謝恩表 并荅制○唐文作謝
觀唐昌公主花燭表

謝問表

謝賜藥表

謝修史表

幽州論邊事論 唐文作論幽
州邊事書

開元六年五月七日燕國公臣說頓首死罪上書皇
帝陛下先帝以臣踐履忠孝使臣啟發聖明故得侍

讀春宮夙承天眷景雲中歲兼掌樞密唐文內當涕
 騰之口外禦傾奪之勢陛下監撫既安自天所祐臣
 協贊之意明神啟之開元之始首典鈞軸智小任大
 福過灾生出守三州違離六載曲直非已昇降由人
 惟君知臣事不待說今改秩邊鎮委重戎麾竊以兩
 蕃近和能無同異九姓遠附未聞撫納欲恃賊殺無
 侵擾之慮保寧兩蕃受徵發之明臣愚料之恐未然
 矣何者賊殺新立必逞兵威賊兵所加必收九姓九
 姓若去兩蕃搖矣九姓雖屬并州節度然共幽州密
 邇脫有風塵何事不至臣熟聞幽州兵馬寡弱卒欲
 排比未可即戎城中倉糧全無貯積設若來迫臣實

憂之狀乞聖慈深以垂意博詢舊將預為籌畫若早
 圖之必無後悔且孤臣總衆易起猜嫌唐文寬大失
 濟事之宜嚴整招怨黷之謗遠辭天聽臨路傍徨如
 有論告臣身奏劾軍事者乞追臣面問對定真虛則
 日月無可蔽之期幽遠有自通之望伏願留書在內
 時加矜察

與褚先生書

說拜白薊北餘派關西早春物候所宜年來共感惟
 先生進經玉殿退食金門黼藻元猷榮問清暢甚善
 說往陪君子待唐文學瑤山中貽官謗譴居湘浦賴
 聖主識其面目憐其宿心捨衆口之無稽容庇身之

有地自授軍鎮躬當夷狄出入以馳突為群坐卧以
弋劍為友翰墨都廢典籍生塵時憑夢魂一見宮闕
每憶朝侶邈若雲天愧乏武才供國寵使豈望立明
主之側陳先生之道哉說與先生事願乖矣曩喜同
席今嗟異鄉遐路三千曷其言會強飭安步寶唐文
作為
國師臣時流德音以惠疆場張說再拜

與鳳閣舍人書

范陽張說謹上鳳閣舍人公足下竊聞高義遠矣願
託下風久之自非氣以同求音為賞奉降此已往復
何云云昔有飛英子處於深林桴轉溝壑適遇靈風
子出於大塊將獵雲霄飛英子思欲遊焉揚袂大呼

請俱載矣靈風子不知其人也怒氣視叱而還之飛
英子曰吁子非至公也夫至公也者以義而求之以
仁而與之况乃假有餘之資濟無階之望施不費之
惠振將墜之魂子不濫吹我無苟進此種德也夫何
拒焉靈風子曰請受教遂相與翻飛而行搏扶而上
經乎綺閣集乎瑤臺簸芳萬里騰景千仞既而靈風
子卒無德色飛英子亦無私心今明公據清風之資
令賢者獲飛英之託此至公也得無嫌揚袂之謁懷
怒氣之疑乎且夫論美聲者不於清泝之室議絕足
者不於王良之門今束蘊知歸彈冠且眾若公固讓
而不然之彼亦將倚翰於遠方闕於天下矣輕重十

倍去留一言惟君處之張說再拜

與鄭駙馬書

晚尋莊周書以天地為國道德為身老室之戶牖孔
 門之振闌足可反覆孝慈胎育仁義而晉朝眾賢唐文作
 乃祖尚浮虛弛廢禮樂其所遺失將諧唐文
 真宗不逾遠也老稱歸根曰靜復命知常不近於以
 無有知見空其所有知見耶其不近於以無有知見空
 復命近於無有知見耶斯故反照爾孔云窮神知化德之
 常豈有知見耶知斯故反照爾孔云窮神知化德之
 盛者神不可窮而窮之是神合於我化不可知而知
 之是化為我用唯此二義緊莊生亦未始盡言焉非
 榮陽之深於道者孰為輕導茲意也

與魏安州書

說白尊豫州府君德業高遠名言路絕豈說常詞所
 堪碑紀比重奉來旨力為牽綴亦不敢假稱虛善附
 麗其迹雖意簡野文朴陋不足媚於眾眼然敢實錄
 除檀釀亦無愧於達旨今手寫裝本來使齋縑馬何
 爾疎外通財不謝故無辭却甚熱願履恒休張說白

與營州都督弟書

骨肉世疎居止地闊宗族名迹不能備知讀厭次府
 君狀已具歷官未書性習夫五常之性出於五行稟
 氣所鍾必有偏厚則仁義禮智信為品不同六藝九
 流習科各異若以稷高之事贊於巢由孫吳之術銘

於游夏必將人神於悒未以為允今之撰錄蓋欲推美實行崇識素心先德怡神於知我後生想望於見意說為他人稱述尚不敢苟况於族尊行哉往來信多直疏早報冬末寒泚野有戎歌山無夏草步步日遠能無鄉國之心乎荒州新立向者未有下車殊俗意緒如何說患恒服湯虛多健少因別奉去說呈

與度門禪眾書并僧一行荅

弟子張說稽首禪眾大和尚縱德自天應期宏道受先佛意開後佛心度無數人無人度者一從遷十載逾茲茶鐺儻存夔與應朽靜言法侶長悲若何往歲今實禪師伏作碑紀尋在樞密久無閑空復以凡

識而揆聖智鹿語而採妙境心之重難忽焉遲暮頃蒙朝貸移守嶽陽思義禪師遠檝存顧兼致一行禪師雅意以為無易斯文是用苦劇精至儀形宗宰敘乎無所之迹綴以忘言之言非直相體也存固將傳心無極若先師解顏於影塔眾聖稱善於空中惟彼上人實為知我復次盛光之末有引曜大聲之餘致虛響今禪師神足零落將半而混沌邯鄲假託非少宜篆法子列次碑陰故事則然起予何遠仲尼家語既着弟子之錄袁逢廟訟直取躬作之詩和尚歎美東山嘗有短偈敬莫刊刻永貽終古此二者亦諸德之素懷禪門之指要說白

度門寺大衆僧撤曇振達麼一行等白令公檀越世相^滿適時節如馳自先師因待不居遂逾十載塔樹將列禪庭坐蕪永懷正服終天何及惟師降命摠依授斯全德普門紀述有出常規每恨杜氏多涉於閭君屢傷於假氣內惟秘旨彌覺千難由是法壽幾遷名身莫擇自往歲僉議令以斯意仰憑而鳳池務總未果成願近承銜朝寄出鎮岳陽乘閑論道此會難失所以思義禪師重往諮覲幸蒙法生之義莫逆於心爰就斯文流之後死然夫發揮浮道宛若現觀幽贊佛持動符先軌不圖述作之盛而至於斯乎自非深起明門亦無以臻於此耳仰以今月月半潔以


清齋凡我法流嘉茲日陳之影塔宣布至言人懷感歎有兼常節是亦存歿之大事畢矣人天之榮觀備矣儻靈峯可作本地常存必當流鑒遠緣怡然動色詎祇傳聲梵世以慶法輪之宏哉僧徹等久席圓聞寧窮智葉載懷遺偈益戀初因言荷末光彌慙引矐空思厚德不知何以報之唯應極力勉心以存所務儻一至之功可必十方之助不行當迴此庶恩以花應耳敬白

神兵道為申平冀州賊契丹等露布唐文作為

河內郡王武懿宗平冀州賊契丹等露布

大總管右金吾衛大將軍兼檢校洛州長史河內郡

王臣某前軍總管行左衛勳唐文朔府中郎將上柱
 國定陽郡開國公臣楊元基行軍長史朝奉大夫守
 給事中護軍臣唐奉一行軍司馬通議大夫行天官
 郎中臣鄭杲唐文等言臣聞氛祲薄霄戎狄謀夏則
 武庫兵動中國有弧矢之威文昌將飛邊城用金草
 之事蓋以式遏姦暴大庇黎人震蠻盪夷明罰耀武
 者也伏惟天冊金輪聖神皇帝陛下仁覆有截化行
唐文無外皇圖未臣之黨帝載不庭之俗罔不依被
 聲教浸潤雍熙望雲向風密近唐文遐裔而契丹凶
 醜奴隸根苗非蹋頓之雄族異單于之貴種徒以錯
 居遠郡漸化平時田牧混於四毗貿遷通于三賈唐文



市戰士戰士唐文解甲邊馬垂轡禽獸飽而忘恩螽

蠶養而成唐文恣毒敢孤亭育自絕生成乃狼心干紀

鴟張竊發虐我邊吏覆我鎮軍大棘殘於夷落孤竹

淪於荒徼唐文陛下震赫斯之怒授決勝之符天地

合謀鬼神助代唐文六狄舉國百蠻整衆運攬槍而

掃除縱唐文列缺而焚蕩臣飲冰受斧指日揚麾雖

謝河間之學竊慕任城之勇誓將首冒鋒刃躬先士

卒上假神兵之威下定鬼方之罪凶醜狂慟素无大

志因乘便利扇動姦邪去歲嘗師疑一軍之盡化今

春輕敵見三帥之不歸螳聚實繁豺牙益厲結山戎

以西寇連島夷而東入臣乃廣開形勢大振聲威移

告郡邑金湯固守傳檄諸軍犄角相應清邊道大總
 管建安郡王攸宜杖鉞薊門作鎮燕國當要害之地
 控天羊作大羊唐文之群高壘深溝卧驚唐文營而不
 動山蛇雲鳥陣死地而無疑總管沙叱忠義王伯禮
 安道買等兵臨易水使接桑河屏渠衝壯唐文士之
 髮唐文鵬騎識唐文將軍之箭四面當寇唐文九拒
 乘城御史大夫婁師德總管高再牟薛思行等扞敵
 中山折衝外侮訓厲鷹揚之士輯穆震驚之師其餘
 部散校分離網別緒兵車星布巡太行而綴碣石錢
 之塵草木長風咸有王師之氣清邊士馬稍南驅而

擁威神兵甲卒漸北逐以威臨但合圍而持重未輕
 挑而即戰重以蕃臣默啜統率羶裘控弦逾於萬騎
 帶甲彌於千里長驅松漠淹奪唐文柳城巢穴是空
 胎卵皆覆于時賊衆兵馬屯逼幽州聞其塞外之敗
 懼有舟中之敵勢力外窘心腹內乖建安郡王攸宜
 畜銳淵渟淵渟唐文乘機電發援桴作氣則山岳可
 搖書箭一飛則首渠相滅兵纜接刃元凶授首春喉
 閉野京觀起於中州積甲成山組練收於外府雖本
 根斯拔已蕩滌於一隅而餘蔓以唐文滋尚聯延於
 數郡此下賊帥何阿小等頑凶是極屠儉為資受其
 署置肆行劫唐文掠幽陵之下不知首惡之已擒兩

河之間仍謂遊魂之可恃士女遭其迫唐文脅城池

作軍池唐文劫奪為心家盈剝割之痛鹿城縣令李懷璧衣冠貴

胄令長崇班背我朝恩歸誠狄寇潛修甲杖輸以利

器之資見委兵權當其上將之任蠢茲狂亂誓同燎

火言事剪除方申沃雪自小河已下至沃憲臣乃盛

兵邢趙塞井陘之隘命虎賁之將遏其衝突之鋒長

史唐奉一馳使洺唐文魏據河渭河渭唐文之津縱

羽林之雄挫其侵軼之勢臣又遣前軍總管忠武將

軍行左衛勳一勳一作胡府中郎將上柱國定陽郡開

國公楊元基押飛騎營中郎將李釋唐文子總管雲

麾將軍行玉鈐衛翊府中郎將康國公阿史那毗伽

子總管冠軍大將軍行左玉鈐衛翊府中郎將宋撥

延子總管冠軍大將軍行左金吾衛翊府郎將回紇

果別勅行人雲麾將軍康戡誕子總管定遠將軍左

威衛長李當義壯武將軍何義本子總管忠武將軍

阿利深子總管壯武將軍俱羅羅淮宣威將軍行左

玉鈐衛翊府郎將蘇達侯斤度施子總管定王府典

軍成善威子總管押飛騎定遠將軍平原府左果毅

長上穆仙童子總管劉尚珪子總管渭州府左果毅

鹿思讓押飛騎左玉鈐衛隊正長上賈楚珪左鷹揚

衛長上花匡鼎押飛騎李言忠押飛騎沮忠揚鎮副

張元孜押飛騎康景休押飛騎左監門衛司戈實九
臯別奏右武威衛長上楊仁爽左武威衛長上楊裔
原州崇岡鎮副康戍子右監門衛長上傳阿毛左監
門衛長史殷承範右衛長上王仁獎右衛執戟嚴宏
炎右金吾衛羅元讓潭州花石戍主蘇元暉前右武
威衛長鄭嘉祥左衛司戈鄭彥湊媯州威寧戍主崔
思暎押步兵子總管左玉鈐衛長上張中儼別奏首
領蘇農婆羅三品子首領宋義本別奏游擊將軍左
玉鈐衛宿衛歌咄施注比別奏鄭思疾左衛潞州府
果毅員外置同正阿史皎子總管王城府檢校果毅
任宏誓別奏檢校虞侯任處寂別奏裴光嗣等徇其

東北又遣子總管游擊將軍玉鈐左司階伏羌縣開
國男李宏顏子總管邢州司戶參軍飛鳥縣開國男
常元楷子總管原州廣牧領將軍元寂子總管右武
衛員外置同正武元禮子總管前潞州參軍武其別
勅行人張景扶州刺史舊鎮副崔敬一右武衛中郎
將阿史德奉職右鷹威衛將軍業温啜刺俟斤右豹
韜衛柔遠府長史上果毅吐火羅決斯右金吾衛果
毅執失守直右鷹揚郎將員外置同正阿所那左玉
鈐衛長上借緋金元濟東天竺國王子僧伽杖摩右
鷹揚衛郎將僕固郡骨支左金吾衛郎將阿康地具
右武威衛郎將東河察使左豹韜衛高城府長上果

毅阿史德伏魔支右玉鈐衛郎將路驢駒左金吾衛
 長上阿史德伏魔支右玉鈐衛郎將路欲谷遊擊將
 軍葛羅枝延遊擊將軍契苾木昆折衝都尉車鼻施
 俟斤虔州猶口鎮副白善德晉州仁壽府果毅侯義
 威子總管左武威衛侯神城府果毅杜元隱押後隊
 長上李德峻天官常選王嵩常彥緯押千騎三交戍
 董元景河州安喬戍主王才龕別奏康元寂押千騎
 隊楊待封前冀州堂陽縣丞温待禮別勅行人白君
 聳等畧其西南或折衝其前或乘躡其後整貔貅之
 佐奮勇猛之倫長戟高旗雲繞賊黨畧唐文窮漏急
 命窄途殫執無全之心投必死之計以今月一日何

阿小等帥不悛之旅擁脅從之衆結聚數萬抗拒官
 軍自寅及午前後九陣元基等並鋒鏑爭先戈鋌遞
 躍抗足而躡鮮卑之血塗地攘臂而扔烏丸之首積
 野唐文灌唐文同冰陷烈若山焚窮其子遺無復唯類斬
 獲逆賊冀州三品大總管何阿小逆賊河北道招慰
 大使冀州刺史馬行感唐文逆賊冀州道副大總管
 楊奉節逆賊冀州長史王宏允逆賊總管劉伏念逆
 賊十二衛大將軍見任鹿城縣令李懷璧逆賊信都
 縣令楊志寂總管胡六郎逆賊總管王知先逆賊帥
 馬明誓逆賊三品總管姬目等魁首巨蠹三百餘人
 所有戎羯唐文憑陵殘毀之處臣皆宣布制旨撫集

其人感懷聖恩俱得復業群兇既定四唐文方底平

二載逋誅一朝泯滅數州怨怨字唐文毒俄爾殄唐文

碑舞溢河莫歌達塞垣截風浪以息滄溟廓氛埃而

覩白日却獻唐文何力敢推群帥之勞叔向有言實

在明君之德臣憑藉睿畧黍當戎政神機密運不待

橫草之功天贊宜休恭承破竹之勢伏瞻唐文廟勝

遠唐文奉朝歡抃躍唐文之情倍萬恒品不任唐文

慶快之至謹遣僉人天官常選李佑別奏左衛長上

校尉張德俊奉露布以聞其軍資器械別簿條上謹

言

論神兵軍大總管功狀

右被牒奉勅責通大總管功狀者自契丹背恩營州

失守前軍喪律榆關不開幽平烏棲於重壑戎羯虎

食於四野燕南諸城十僅存一河朔之地人挾兩端

由是豺狼入於宇穿蜂蠆出於懷袖王受服不宿孤

劍先驅寇讎日深甲兵未繼于時唐文合步騎不

滿三千彼衆我寡兵唐文虜熾且保關守塞力猶

不禦况土人弄兵轉相攻拔外召夷狄內據險隘冀

州既陷勢將不已當決水之冲承烈火之焰逆風撲

燎仰唐文撒岸塞河韓白見之知其難矣王權以料敵

靜而鎮下宣國恩以撫寧曉愚俗以逆順督將吏以

忠義示士伍以嚴肅深籌秘於六奇潛檄通於千里

滄瀛貝德響

德唐文 作搏

援增氣幽易恒定聲威有立而

又分兵井陘杜其西望引甲唐河漕阻此上流張

虛旂於趙城設奇兵於襄國亦猶吳人潛軍於巢縣

而見舟豫章漢將捷選於武關而聲出峭澗蓋廣援

以安衆多方以悞敵故能舉無遺策兵不踰時滌昂

宿於妖氣拔冀方於塗炭俾皇靈溥暢黔首昭蘇朝

廷釋東顧之憂漳滏息南侵之患然後歸剽掠返流

亡業窮乏賑痍傷僵暴皆掩死喪復怨賞不失勞亦

無濫受罰不漏罪亦無冤人則王有大勲於是後也

竊尋

竊尋唐文 作而

誠以奉上義以利人至忠之狀有三

為善之跡有五所謂忠者一日思致命也初戎寇方

殷王乘駟赴救衆纔數騎捍敵羣醜山東父老如恃

山河既而王躬擐甲胄吐誠師旅誓在盡敵以報前

讎故得感激戰失

戰唐文 作來

決命爭勝二日能果斷

也凶黨狂狡飛轉妖書吠堯謗舜間誘愚惑事斯蔓

結搖我人心王陰察州閭揜求魁蠹獲應賊書人耿

羅漢等一十三人焚書伏罪衆而後定故得破謀殺

謀悖計無施三日誠感神也王地維近屬躬當大任

所過山川鬼神之地罔不精意懇禱以請云天子聖

明皇天輔德實降靈助以濟神兵幽明祇格

幽明祇格唐文

明祇多獲孚祐故得行師之處每勝風送旗合戰

之時必興雲翊陣金鼓所向冰消草靡所謂善者一

曰均下也飲食勞逸與將士必同二曰潔已也遍賞
 有功王秋毫無受三曰詢善也國之彛典成誦在心
 閱實定名必諮群議四曰嫉惡也每戮一人親數其
 罪必深加咎責使醜恥於地五曰不伐也賊平之日
 將吏賀功王稱美天威推勞士衆兢兢然若不已有
 也惟聖人神武制命預授兵符惟大總管忠善襲唐
 興行克成廟算今者顯號年紀騰耀國籍耀唐文方
 謂垂範雲臺勒休彛器而扶杜遣宴甫率於舊章茅
 土增封殊末於宗正此壯夫義士所以竊議而長歎
 者也雖樹下不言自唐暎歸功於明主然策勳有典
 何勸善於戎臣敢憑下問是用大諫唐陳其所正復

州縣招撫歸降補署官僚存集流迸擒殺凶醜收獲
 軍實與吏士共功者具如別狀云唐文無

試洛州進士策問四首

問有征無戰道存制禦之機惡殺好生化含亭育之
 理頃塞垣夕版戰士晨炊猶復城邑河源北門未啟
 樵蘇海畔東郊不開万機万機唐文驅長轂而登隴
 建高旗而指塞天聲一振相吊俱焚夫春雪假陽寒
 蓬易卷今欲先驅誘諭誓唐文頓兵刑書箭而下蕃
 臣吹笳而還虜騎春言籌畫茲理何從
 問夫子述孝經裁道德輔天相地樹之王化穆乎人
 倫既鈞命而合謨亦契神而盡性歷聽藏書同為代

寶永言五孝不列六經將設教之有旨豈偏序之無法北宮群彥未始詳焉東觀諸儒不之辯也且禮樂二本古文漏失春秋三傳大議派分而備六籍於蘭室唐作臺懸九經於甲令今欲登孝道為七藝抑未前聞足經名為十部恐疑後進思觀義窟用定儒門問語人以倫鳴鶴斯和砥名礪節異代同歸子等溫古知今將施有政前言往行豈曰無聞至如顯仁義以基德標智信以習禮觸目青史比肩縹帙思齊其事各辯其人既呈役於扣鍾可徵賢於求燧肖形天地甄化陰陽五常配於五行六情同於六氣為所稟之各異蓋因物而或遷仍分情氣之題目兼敘常行

之方極位

問自昔帝王必有制作所以隆基天命器辨神姦至如或鑄昆吾或遷邾鄆虞邱之說尚疑周漢楚子之問未詳輕重通明舊史幸為指陳亦有弗父勒銘仲山傳器得於何代顯自何功魚遊之旨安施雉頌之文奚戒兼言鼎彝之異及顯家國之宜

神龍年兵部試將門子弟策問三道

問禮樂詩書將之本也德刑政事戰之資也自營州東覆趙郡南侵踐更塞下望獵塵而股戰擁麾隴上聞虛弦而心死中興皇厯大講戎機懸金待賞築壇思拜吾子才標美箭門習唐作襲良弓軍法盈懷兵規

指掌未知獻何道使人興義進何政使人知禮施何方使人向信行何術使人有勇擇前王之令典合今日之權宜助武成於七德翼威加於四海又聞乎兵以正合戰以奇勝然則守信非乎尚詐成列異乎鼓僂去就之宜佇詳厥旨

問良將者必精辨天時審詳人事兵家舊略遺訓存焉借如歲在豕韋日交析木漢軍北戎胡騎南飛守則觀於星高戰則逢於陰盡何方以得天道何策以決時機應積沈謀勿參浮說且鬪由角力尅在同心而子野歌風遙知不競亞夫望氣懸識將興豈雲物非系於人或成敗不關於戰幸陳晉楚之術以定天

人之理

問輕齋遠襲取敵人為資敵人固守不我斯應圍則師老而力屈去則糧盡而途遙何策可以下城何謨可以召戰又兩軍相遇同阻一水必資其畧以致敵來願俟良圖抗行前志

神龍年兵部試沈謀秘算舉人策問三道

問詩稱有截傳載無為必在得糖欺人方致斯道皇上心存元默政治洽清虛坐五室以調氣舞兩階以柔遠溥天之下計日來庭尚有戎羯餘塵觀長城於塞北句驪舊壤走都護於安東棄招威國之譏取有疲人之患綏討之理用捨何從且夷狄異方地俗殊等

借使斷山川之是利較戰守之所長贏糧調兵幾何
克濟選倫求將何者為謀何者為謀唐文靜聽嘉謀
將聞執事

問安西迴途磧北多寇自開四鎮于茲十年及瓜戍
人白首無代分閫節使丹旄方歸未悟恢邊之益且
疑事遠之弊今赤曷既并於黃姓默啜復覘於庭州
漢掖徒張胡臂未斷而內匱積穀外非足兵於何出
踐更之師奚使間穹廬之黨息人靜國有策存乎
問五嶺山深三蜀地險篁竹之下時驚剽劫瓜芋之
壤歲擾居人若縱兵揚麾則烏散谿谷及旋師反旆
則蟻聚津塗窮之乃一切歸降置之又無不反覆安

輯之術敷陳其要

獻壽表 為人作

臣某等言臣聞稱號者紀帝王之德業宴樂者示君
臣之慈惠伏惟應天神龍皇帝陛下運無私之恩宰
非常之事天地幽贊雲龍翊輔雖虹貫日晷臬鳴帝
車由多難以肇聖轉群邪以為福瑞超終古道絕常
倫應萬乘之尊名受三靈之冊命大禮既畢大會充
庭臣等備列衣簪喜逢交泰思欲求仙桃以獻菓挹
星酒以奉觴天路無階誠感難致伏以堯鍾虛受不
讓單醪禹膳莫崇致陳菲食輕瀆宸極退用慙惶臣
等無任區區之至冒死上千萬歲謹言

讓中書侍郎表

臣說言伏奉制書除臣中書侍郎寵命俯臨驚魂自
 失臣說中謝臣聞雲構鬱起非枳棘之任天波暴集
 寧畎澮所容臣識無向唐文不經典唐文南宮華
 省已忝前行西垣內閣將陪近侍心慙官謗跡愧時
 流何以承掌王言贊決機務當今二儀再造百度皆
 新太平之基惟賢是與渾成庶政責在中書豈以常
 才敢庸首選乞寢恩命改擇時髦惟慎庶官以諧命
 議無任悃款之至謹詣朝堂奉表陳讓以聞臣所讓
 人別狀封進

讓平章事表

臣說言伏奉宣旨制書以臣同中書門下平章事承
 命戰汗拜舞失容臣說誠惶誠恐頓首頓首死罪死
 罪臣本書生器質凡近仕不望於通貴祿則期於代
 耕蒙時寵榮越踐臺閣局心守職竊所庶幾長算經
 邦則無逮及伏以廟堂寄切軍國務殷循涯審分非
 臣攸處為國者為官擇人為臣者陳力就列若智小
 謀大力微任重豈敢顧惜賤糖微軀實恐上塵王政
 是以披露肝膽不暇飾詞乞停此授俯遂誠請無任
 怖懼慙惶之至謹詣朝堂奉表陳讓以聞

讓兵部尚書平章事表

臣說言伏奉九月十九日制書到并州授臣兵部尚

書同中書門下三品王人在門駟騎首路捧恩循分
 以慙以惕臣說中謝臣早以書生射策載筆聖朝晚
 以軍誌典兵擁旄乘塞祿非授等授等唐文寵是宸
 衷久侍玉階四掌綸誥一心好直三黜其宜今復用
 之猶夫人也何足以舉明邦政光緝帝猷更策疲驂
 來塵法駕又臣已受命司籍專意簡書所希散冗因
 問就業忽叨劇職責大憂深人心有限事難兩濟國
 史無成臣執其罪上思薦賢以自代下願守分以全
 節竊見開府宋璟清介獨立倚法不回詹事陸象先
 清明向道臨事能斷其高名有素歷朝之所仗委其
 積行無疵衆人之所體信撥停往任未盡宿誠乞回

此恩以納來効必能補舊政之闕唐文漏廣前途之
 軌轍雖探心角力臣頗與二子齊驅然校德考年彼
 皆有一日之長天下者累聖之公器宰相者萬方之
 具瞻臣所以廷讓彰言不陳密啓願聖恩聽與而舉
 俾諧僉矚儻朝任得人實海內幸甚無任力微任重
 惶懼之至謹奉表陳讓二年十月十七日

讓右丞相表

臣說言伏奉今日詔書除臣右丞相兼中書令臣學
 慙稽古早侍春官階緣恩舊忝竊樞近雖思致君堯
 舜而才謝伊臯今屬升中太封方求俊乂俾唐文昇
 端右實媿朝行乞停新恩唐文獲守舊職詞訥情懇

言之三
山房校鈔書籍
希垂察諒無任屏營之至謹奉表陳讓以聞

辭右丞相表

臣說言臣聞力不任而強者則廢心不達而極者則
憊以臣自觀信足為驗臣學於舊史蒙國寵榮年在
耳順位躡端撥雖致百身豈酬萬一然臣少長勤窘
公私艱故抱疾殘骸生意蓋寡久奉明旨叨掌史官
比從史職未及刊撰常慮溘先犬馬恐將委棄恩命
史之不成臣之罪也陛下祠睢上拜郊壇封岱宗禪
社首天下足食海外無塵天下能事數年畢舉唯國
史王經此道未備臣忝其職敢不盡心心力有限事
難兼遂伏乞停臣右丞相使臣得專意修撰則望帝

典發揮鴻業日就進希聖主全度之恩退守愚臣辭
滿之節瞻仰殊造祈於矜濟無任勤懇之至謹詣朝
堂奉表陳乞以聞

讓右丞相表

臣說言伏奉今月十日制書除臣尚書右丞相恩命
自天戰跼無地臣說中謝臣少長儒門墾鑿墳史才
非高格官不因人徒以命偶龍興位階鴻漸五入西
掖七踐南宮中間拙延謫放直招玷缺傷矢之禽聞
弦廬陸賜環之客聽歌先泣此則魄唐文為危感氣
由懼奪安可重收廢器再辱端揆何以師長禮闈正
持憲府當今典章草故風教鼎新野無四隱朝有三

傑具瞻之地願擇時髦臣幸沐遺簪陸履之恩好生
養老唐志之德朝遊簡牘暮對圖書受賜無涯循榮
過分豈更干處士之橫議召匈奴之遙哂艾骨自瘡
負乘致寇雖則愚情懷戀覩冒求寵亦望聖慈限約
生度餘年願停今授長守舊史罄陳肝膽非敢飾讓
謹詣朝堂奉表自乞臣說誠惶誠恐頓首頓首死罪
死罪謹言

荆州謝上表

臣說言伏奉二月二十五日制書除臣荆州大都督
府長史受命荒服浮舟過沂以今月唐文下十字七日到
荆州作到荆州上唐文山列楚望水橫南紀德非羊祜迹

謝宋均何以鎮靜流亡攘除猛虓臣說中謝臣宿濫
宸睇累塵榮獎福過灾生剛多缺及一辭庭闕已涉
五年不有自白之書竟無因人之請天光獨照雲霧
頓披窮鱗更躍鍛翻仍翦揣分瞻恩何階及此媿乏
才用唐能文不足宣暢皇風敢竭心力少冀上疇元造
無任欣抃兢惕之至謹附送丁匠資使所部文林郎
守公安縣主簿封希曾奉表陳謝以聞

岳州謝上表

臣說言奉伏四月十有二日制書除臣岳州刺史其
唐狀月二十七日魚唐文書到相州承恩惶怖狼狽
上道以今月一日至岳州唐文下十字臣以昔侍金華

過蒙榮寵負乘招寇非短日聞非短日聞聖慈
遲回仍委符守刻肌刻骨誠願上報恩私無術無才
將何克宣風化夙夜慙惕胡寧敢處伏以貶官到任
理在速聞不敢循常稽緩附使無任荷恩兢懼之至
謹遣遞表陳謝以聞

謝賜碑額表并荅制

臣說言伏奉今日恩旨賜先臣碑額悲荷交心拜捧
以泣臣某中謝臣亡父先臣隲安貞下位不待昌辰
先帝贈之以專誠唐城陛下目之以積善光賁重渥
感慶三泉舉宗悲喜外姻歡賀昔孔篆吳札之墳秦
存展季展季唐文之壠事輕列國義小陪臣豈若天

王禮士鳳書旌墓榮軼曩賢道映來籍在臣在子移
孝為忠心効草木何酬雨露無任幽明感戴之至謹
奉表陳謝以聞

朕禮賢之志恨不同時旌善之懷何隔今古卿業崇
啟迪叨濟艱難盡人臣之忠節成天下之美事方接
婚姻之禮長榮帶礪之族潤葉流根不足多謝

謝公主出降期表

臣說言內侍尹鳳祥宣示聖旨八公主用八月出降
拜承恩命預奉告期身輕若飛心不容喜臣久招謗
缺懼寢殊榮豈圖天眷遺簪聖言匪石哀颯殘貌近
望銀河之禮童蒙弱子將捧金之瑞舉宗慶戴合

門聳躍無任欣荷之至

謝恩表

并批

臣說言內侍尹鳳祥宣勅賜臣觀唐昌公主花燭伏以天人下嫁王宰送行苟非殊寵何階瞻望臣免歸餘叟忽承朝請之恩廢駕疲驂復覩肅邕之禮洪私所被枯瘁生光無任歡荷卿新故重臣衣冠朝望正可觀國家之禮也

謝問表

臣說言內給事高力士伏奉墨勅聖慈綢繆言及舊昔拜舞撫讀且喜且慙臣聞漢主眷驂秉之臣魏君憶同遊之客誠以故舊不棄而光陰易往今之聖情

實過於昔臣曩蒙侍文北閣陪燕東堂庭闕一遙寒暄二載不意逢春之草承湛露之惠渥容光之隙引遲日之輝華無任荷恩戀主之至謹附高力士奉表陳謝以聞

謝賜藥表

內使陳中盛宣旨賜臣痢藥臣攝生無方自貽痼疾聖慈憐憫垂恩救護氣衰力敗忽吞永命之符腸滑胃虛更餌還魂之草蒙天營護指日痊平雖萬粉灰何酬造化謹附忠盛奉表陳謝以聞

謝修史表

臣說言奉今月十六日勅令臣在家修史捧恩戴命

且喜且慙臣服道儒門策名昌運掌綸四后載筆三
 朝階緣宿遇踐躡端揆職為劇而心盡史無閑而切
 廢自貽官謗待罪私門歸魯之感徒深藏周之望已
 絕豈意特流天旨重緝簡書雖才慙左馬而時盛周
 漢况復編堯舜之年事皆目覩敘羲皇之德言匪傳
 聞善惡將訓於百王實錄可貽於千古國家之鴻業
 辯矣朽臣之至願畢矣不勝天恩難任之至謹奉表
 附內尹鳳祥陳謝

張說之文集卷第三十



張說之文集補遺

起義堂頌

唐文二百一十一卷



皇矣上帝臨下有赫降監四海求人之瘼吁彼隋煬
 其政不獲春我高祖此惟其宅天輔臯陶明刑弼教
 道尊老氏同元體妙仁表四乳明融獨照隨父託心
 史良辯貌高祖誕靈神光夜耀天妹作合日兄夢紹
 祚生文帝膺運會昌首唱高祖騫飛晉陽萬夫一心
 元戎啟行火旗炎炎雲鳥洋洋星迓帝萬國謳唐
 天網恢疎王師節制威惟連戮老生摧斃山祇引軍
 河龍渡帝渭倉散積離宮弛閉關輔來蘇遠方咸惠
 長安宮室上法太微隋遷寶鼎唐在璿璣仗入雙闕

詔出九圍三靈協載百祿同歸帝謂太宗表正封略
濤蕩颺掃霆馳電鑠劍不摧鋒弩無再曠西平沂隴
東取河洛杲密德充頭懸面縛北走獯鬻南達蠻荆
遼碣作人梁岐底平風動神行海隅蒼生莫不來庭
於昭義堂誓衆資始天命所起于胥頌美維予小子
夙夜敬止於戲皇王緒思不忘

荅宰臣賀破賊制唐文二百卷

省表具知蠢茲戎狄侵軼邊鄙不交鋒刃自取敗亡
既邊將之功亦天道所棄心之有慰與卿同之

讓起復黃門侍郎表第二唐文二百卷

十七卷作陳情表止有第一篇

草土臣說言臣在疚承榮布哀陳款精誠無感天睦
未迴假喘殘生悲懼轉集臣說誠惶誠恐頓首頓首
死罪死罪臣聞苦者不覺聲哀窮者貴其言達情有
至切辭無敢隱臣為少子慈愛所鍾每一離別輒加
憂憫况臣生年多故違隔私庭終堂之日身限公事
存既數違左右沒復不畢几筵痛心自傷特殊人類
臣今望延數月企及再期乞恩無多報國非晚冒死
重請冀蒙哀遂無任懇迫之至謹詣朝堂路左奉表
陳乞以聞

第三表唐文二百卷

草土臣說言臣荒喘窮情再瀆旒宸懇誠不到未感

天心誓將冒死祈恩分外中謝臣本書生門非代祿
 數葉單緒族無親房臣父遭憂曾祖未葬臣有兩兄
 一妹甥姪九人又有中表相依向成百口吉凶衣食
 待臣以辦臣今拜職黃閣侍奉丹墀厚祿清班一朝
 改官舉族榮賴為幸過甚人情所欲豈合稽恩正以
 煢煢苦心有所未盡臣亡母在日朝夕誠臣以臣獨
 立無徒好直多忤知子者母果驗所言往罹大獄竄
 命炎海晨出晚歸貽慮非一况涉危難傷心幾途追
 憶生平倍增推慕侍養日少違離日多即臣母憂臣
 以終身臣其忍服縗以從事情既不同常例望在特
 降殊恩臣先患風緩近加虛痺陛下倘從臣數月容

過再期非但寬其哀疚固亦全其生理亡身報國庶
 竭後圖木植有性枉之則折人願在心違之則苦雖
 強為用將何以堪銜泣仰天冀蒙哀允無任懇迫之
 至謹詣朝堂路左奉表陳乞以聞

讓中書令表

唐文二卷

臣說言伏奉今月十一日制授臣中書令恩渥自天
 震越無地臣說中謝伏惟陛下至孝安親大功定國
 六合翹首庶政惟新雍熙之化望在茲日中書理本
 臣叨首名將何以翊贊聖君光澤天下自臣攝官禁
 掖已涉七旬不知賢才以舉是不仁也不辨不肖以
 退是無勇也何足以備乎宰臣胡顏冒恩復受真拜

臣之愚執正在於此不敢繁辭以塵聖聽乞迴榮授改擇時髦無任懇款之至謹詣朝堂奉表陳讓以聞臣所讓人別狀封進

讓封燕國公表 唐文二卷

臣說言伏奉今月七日制書封臣燕國公食封三百戶寵靈猥及中心如惓臣說中謝臣聞至道之時重法守義上無無功之賞下無無德之祿故授受禮全而踰越不起伏惟陛下光撫寓內大寧天域百度維新萬靈翹注建侯疏壤允荅元功臣亦何人首膺是命自古有傳道而爵說經而封蓋以訓蒙成聖資師通學臣之侍講有異前聞何者大明朝昇螢燭無助

時雨夕濡浸灌焉施幸得依附光景游泳恩渥豈敢虛承啟發之恩謬荷將就之報且如人臣之義二則為罪愚智之分一心不同譬如犬馬有不背之性草木有不凋之理知何德於天壤而欲蒙造化之偏施哉臣之無功正與此類叨恩過量終懼且慙乞回聖慈以容介節無任惶悚之至謹詣朝堂奉表陳讓以聞

賀祈雨感應表 唐文二卷

臣說言臣聞水旱常數堯湯固有聖賢之理恭潔為難自冬踰春積陽成亢陛下以時災繫政人患由君退巫女之雩却應龍之請陛下躬自暴露炎景瞻仰

雲漢推心引讀為人受咎誠既發而動天言剋期而
降雨今已霖霖三日澤漏重泉草樹含欣郊原變色
加以雲平雨細氣潤風和豈惟優渥王畿必將周遍
天下羣心舒釋聖情開暢無任萬姓懽悅之至謹奉
表陳賀以聞

賀示歷書表

唐文二十卷

臣說等言內侍尹鳳翔至奉宣聖旨內出新撰歷書
二十五卷以示臣等竊窺深奧仰觀英華涉海登山
罔知攸際臣聞唐堯光宅順昊天而定四時虞舜登
庸在璿衡而齊七政伏惟開元聖文神武皇帝陛下
至德廣運文明濬哲道冠生知與神合契備往聖之

能事紹昔王之闕典發揮易象以應乘乾之時考正
歷書更表履端之始上包二帝下括三王徵晷運之
盈虛究推步之疎密備稽氣象載躔坎離三辰順軌
而更明五緯合度而增煥足使天地貞觀神人允諧
唐虞舊章于斯重觀臣等幸陪書府得預朝門抃躍
之情實萬恒品謹奉表陳賀以聞

駁行用魏徵注類禮表

唐文二十三卷

今之禮記是前漢戴德戴聖所編錄歷代傳習已向
千年著為經教不可刊削至魏孫炎始改舊本以類
相比有同抄書先儒所非竟不行用貞觀中魏徵因
孫炎所修更加整比兼為之注先朝雖厚加賞錫其

書亦竟不行今行冲等解徵所注勒成一家然與先儒第乖章句隔絕若欲行用竊恐未可

謝賜鍾馗及歷日表

唐文二卷百三十一

臣某言中使至奉宣聖旨賜臣畫鍾馗一及新歷日一軸者猥降王人俯臨私室榮鍾睿澤寵被恩輝臣其中謝臣伏以星紀迴天陽和應律萬國仰維新之慶九霄垂湛露之恩爰及下臣亦承殊賜屏祛羣厲續神像以無邪允授人時頌歷書而敬授臣性惟愚懦才與職乖特蒙聖慈委以信任既負叨榮之責益懷非據之憂積愧心顏難勝惕厲豈謂光迴蓬華念等勲賢慶賜之榮賤微常及感深犬馬戴重邱山無

任感荷之至

謝京城東亭子宴送表

唐文二卷百三十一

臣某言力士至奉宣勅以臣臨岐特令賜宴恭承惠渥念及庸微天地同仁木石知感不勝惶悚戴荷之極臣其中謝臣歷觀自古君臣凡所際會或因緣黨進或延接功阼故未竭而不知不言而信豈有地孤援寡毀衆謗深察蒙蔽之中致曠蕩之外逢陛下特達之遇當陛下聖明之朝事出非常澤深恩重今者誓將瀝血未足竭誠徒欲殺身豈能報德至如勵精勤政與直守公酬陛下憂人之心行陛下宏道之化安敢失墜以負神明但函關路遙長安日遠不任戀主

悽愴之至

郊祀燔柴先後奏唐文三十一卷

徐堅等所議燔柴先後議有不同據祭義及貞觀顯慶已後既先燔若欲正失禮求祭義請從貞觀禮如且因循不改更請從顯慶禮凡祭者本以心為主心至則通於天地達於神明既有先燔後燎自可斷於聖意所至則通於神明燔之先後臣等不敢裁定

賀彩雲見狀唐文二十四卷

右伏奉恩旨今日屬下元賜臣等侍從升降聖闕禮謁大聖尊容行香之際日西南有彩雲見者伏以大

道無形至誠斯應上元降福感而遂通步輦涉於齋宮虔修香火彩雲生於曉日遽發祥光是知聖德與天心合符萬靈與羣仙叶贊臣叨倍侍從如昇汗漫之遊承恩禮謁更覩氤氲之瑞榮幸之極千載一時無任欣慶之至

賀破吐蕃狀唐文二十四卷

右臣等伏以涼州遙稟神算大振天威吐蕃小醜應時摧敗元惡渠魁乘勢俘戮隻輪匹馬坐見無遺雖虞舜之格有苗黃軒之征涿鹿未有廊清氛秘如今日之盛者臣等無任慶快之至

謝賜撰鄭國夫人碑羅絹狀唐文二十四卷

右內侍尹鳳翔宣口勅得所進鬪羊表及鄭國夫人

碑今賜卿綵羅二十匹絹一千匹者伏以鬪羊薄技
恩感戰士之心雕蟲陋詞媿稱賢母之德効輕賞重
戴厚慚深臣子之情豈望天報

集賢院謝示道經狀

唐文二十四卷

右臣伏見聖札金字八分寫道經兩卷以為惠文太
子三七追福天毫發彩宸翰騰輝色麗風雲光逾日
月伏惟陛下孝弟之至通於神明俯念天倫用資幽
贊當茲炎暑服此勤勞事絕古今感深名教臣忝司
右職載考前王未有親親之至楷隸之美如此之備
也足以作則貽範垂之無窮伏望宣付史館以光典
策無任誠懇慚惶之至

謝賜御書大通禪師碑額狀

唐文二十四卷

右內侍尹鳳翔宣示御書大通禪師碑額六字畫起
平雲點躡芒玉戈矛攢倚鸞鶴交飛神功發於至想
睿思成於元德實謂天龍捧持虛空稱贊逝者如在
薦福知歸臣棲志禪門撰碑靈塔幸遇聖情崇道御
書假貸刻星辰於嘉石爛日月於封邱感極悲生恩
深無荅臣無任望外殊澤之至

祭天不得以婦人升壇議

唐文二十四卷

乾封舊儀禪社首享地祇以先后配饗文德皇后配
地祇天后為亞獻越國太妃為終獻以宮闈接神有
乖舊典上元不祐遂有天授易姓之事宗社中祀公

族誅滅皆由此也景龍之季有事園邱韋庶人為亞獻皆以婦人升壇執籩豆滌瀆穹蒼享禮不潔未及踰年國有大難亞獻終獻終受其咎平座齋郎及女人執祭者多亦天卒今主上尊天敬神必須草正斯禮請以睿宗大聖真皇帝配皇地祇侑神作三獻禮上初獻郊王守禮亞獻宋王成器終獻

重定南郊星辰位次議唐文二百二十四卷

晉元帝建武二年定郊禮於建業之南去城七里一壇之上尊卑雜位千有五百神去聖日遠損益不同臣等按祠令五星已下內官五十三座中官一百六十座外官一百四座眾星三百六十座臣共所由勘史

傳及星經內外所主職有尊卑舊圖座位升降頗錯今奉墨勅授尊卑升降又新加降等座總三百一十九座并眾星三百六十九座凡六百八十八座具圖如左

改撰禮記議唐文二百二十四卷

禮記漢朝所編遂為歷代不刊之典今去聖久遠恐難改易今之五禮儀注貞觀顯慶兩度修前後頗有不同其中或未折衷望與學士等更討論古今刪改行用

與執政書唐文二百二十四卷

說拙於守身往年遷流嶺外亡親愁懼痼疾增加比

蒙生還曾未數歲家口在洛身徒入京及丁兇苦不獲侍側比於他人情實不等在禮君親同貫事君無負事親有負不能殺身以自咎責乞過祥禫報國非遲三度表請不蒙矜遂當是文墨不盡苦心投之執事乞為一言聞達不敢守禮抗請直是私情乞恩若以此情可矜猶冀聖人萬一哀憫若將譴越甘心待罪謹狀

大唐西域記序

唐文二百二十五卷

若夫玉毫流照甘露灑於大千金鏡揚輝薰風被於有截故知示現三界粵稱天下之尊光宅四表式標域中之大是以慧日淪影像化之跡東歸帝猷宏闡

大章之步西極有慈恩道場三藏法師諱元奘俗姓陳氏其先潁川人也帝軒提象控華渚而開源大舜賓門基歷山而聳構三恪照於姬載六奇光於漢祀書奏而承朗月遊道而聚德星縱壑駢鱗培風齊翼世濟之美鬱為景胄法師藉慶誕生含和降德結根深而茂道源浚而靈長奇開之歲霞軒月舉聚沙之年蘭薰桂馥洎乎成立藝殫墳素九臯載響五府交辟以夫早悟真假夙照慈慧鏡真筌而延佇顧生涯而永息而朱紱紫纓誠有界之徽網寶車丹枕實出世之津途由是擯落塵滓言歸閑曠令兄長寂法師釋門之棟幹者也擅龍象於身世挺鷲鷲於當年

朝野挹其風猷中外羨其聲采既而情深友愛道穆
天倫法師服勤請益分陰靡棄業光上首擢秀擅林
德契中庸騰芬蘭室抗策平道包九部而吞夢鼓柀
元津俯四韋而小魯自茲徧遊談肆載移涼燠功既
成矣能亦畢矣至於泰初日月燭耀靈臺子雲擊輓
發揮神府於是金文暫啟佇秋駕而雲趨玉柄纔搗
披霧市而波屬若會斲輪之旨猶知拜瑟之微以瀉
瓶之多聞泛虛舟而獨遠迺於轅轅之地先摧鏖腹
之誇井絡之鄉遽表浮杯之異遠邇宗挹為之語曰
昔聞荀氏八龍今見陳門雙驥汝穎多奇士誠哉此
言法師自幼迄長遊刃元籍名流先達部執交馳趨

末忘本撫華捐實遂有南北異學是非紛紛永言於
此良用憮然或恐傳譯踳駁未能荃究欲窮香象之
文將罄龍宮之目以絕倫之德屬會昌之期杖錫拂
衣第如遐境於是背元灞而延望指葱山而矯跡川
陸繇長備嘗艱險陋博望之非遠嗤法顯之為局遊
踐之處畢究方言鑄求幽蹟妙窮津會於是詞發雌
黃飛英天竺文傳貝葉聿歸震旦太宗文皇帝金輪
纂御寶位居尊載佇風徽召見青蒲之上迺春通識
前膝黃屋之間手詔綢繆中使繼路俯摛睿思乃製
三藏聖教序凡七百八十言今上昔在春闈裁述聖
記凡五百七十九言故元妙之津書揄揚之旨蓋非

道映雞林譽光驚嶽豈能緬降神藻以旌時秀奉詔翻譯梵本凡六百五十七部具覽遐方異俗絕壤殊風土著之宜人備之序正朔所暨聲教所覃著大唐西域記勒成一十二卷編錄典奧綜覈明審立言不朽其在茲焉

季春下旬詔宴薛王山池序

唐文二百五十五卷

有生之性萬殊無方之盛一節陽和而動植暢春滿而臯壤悅后皇所以發時令布新慶二南邁周召之風百辟形金石之詠者也碧流日暖南山雪殘首獻歲之浹辰尾暮春之提日帝京形勝借上林而入遊戚里池臺就修竹而開宴泉調御府味給天廚仙侶侑



樂中貴督酒太平佳事前史未書大矣哉一德日新九功惟敘運璿樞而均四氣握金鏡而靜萬方堯舜湯文不違顏於咫尺夔龍伊呂共接武於朝廷不可見而見焉不可聞而聞焉豈深思勝殘去殺累百年之至仁推歷按圖啟千齡之昌運河清難得人代幾何擊壤之歡良有以也此則青門上路朱邱平臺城煙屢起而泊山野風時來而過水春將悵別愛落花之灑途夏如欣會玩峯雲之映沼爾其列筵授几分曹設幕艇送江鳧船迎海鶴魚龍九劍曼延揮霍鸞鳳鳴簫鼓作申錫逾於百甕慈心出於三爵炮炙熏林塘醪醴厭邱壑并急管於無算醉湛恩以取樂羣

公賦詩俾僕題序長卿消渴覺含毫之轉遲子雲壯夫見雕蟲之都廢敢憚鄙詞之訥澀恐貽盛集之蕪穢云爾

獄箴

唐文二十六卷

官有決曹掌茲法獄匪惟議罪亦以防欲所貴仁恕非矜窘束吏苟吹毛人安措足古之為主是戒是勗茫茫率土蠢蠢羣生賢愚中雜真偽相傾若魚之駭如鳥之驚不能無犯宜持以平或大或小時重時輕無以快志期乎得情孰曰非重國之政令孰曰非輕人之性命虐則招咎寬則納慶宜慎宜恤可畏可敬為獄則固為牢則幽晨嚴管鑰夜密更籌寂寂園土

累累繫囚求食搖尾見吏垂頭自昔立名此為非所逼隘狹室敲傾漏宇冬有祁寒夏多隆暑焉可失入焉可妄處勿謂無妨勿謂無傷匹婦含怨三年亢陽匹夫結憤六月飛霜可以安危可以興亡敢告司憲無輕國章

石橋銘

唐文二十六卷

玉梁架迴碧沼涵空石鞭海上鎖鍛河中橫漢飛鵲規天拖虹仙聖來往風雲路通

錢本草

唐文二十六卷

錢味甘大熱有毒偏能駐顏彩澤流潤善療飢寒困厄之患立驗能利邦國汗賢達畏清廉貪婪者服之

以均平為良如不均平則冷熱相激令人霍亂其藥
采無時采至非理則傷神此既流行能役神靈通鬼
氣如積而不散則有水火盜賊之災生如散而不積
則有飢寒困厄之患至一積一散謂之道不以為珍
謂之德取與合宜謂之義使無非分謂之禮博施濟
眾謂之仁出不失期謂之信入不妨已謂之智以此
七術精鍊方可久而服之令人長壽若服之非禮則
弱志傷神切須忌之

為男埶考語

唐文二十六卷

父教子忠古之善訓祁奚舉午義不務私至如潤色
王言章施帝道載參墳典例絕常功恭聞前烈尤難

以任豈以嫌疑敢撓綱紀考以上下

常州刺史平君神道碑

唐文二十九卷

公諱貞春字密一字閒從燕國薊人也蓋晉之公族
有韓國者列於世家韓之餘子食平邑者因為氏姓
有漢丞相改造繡衣在魏薊侯宅茲元社故瓜徙縣
於三輔枝葉盛乎兩燕魏齊之間世濟其美公即北
齊司空公鑒之曾孫祕書郎子敬之季孫故偃師令
直容之叔子鍾積慶之洪允包太和之粹靈敦龐沈
靜直方簡易仁義根心政理率性度以禮義文以詩
書戶部尚書清河崔知悌朝望人倫公之文友深賞
延譽遠近宗焉始以司成館進士補廬州慎縣尉刺

史盧寶允舉器藏下僚轉冀州大都督府曲沃縣尉
換晉州洪洞縣主簿北平陽道昕氣尚標舉河東裴
知禮鑒裁精拔陽推以孝友資身裴亦薦以經邦興
化徙雍州新豐尉尉盧少儒引為檢點判官差卒選
校小大推允休議登聞擢監察御史裏行奉使黔中
監選有牂柯謝鳳節仁奏罷漢官專任首領公上其
挾奸樹黨做擾蕃落天子悟焉再使置吏遠夷騷而
旋定舊貫改而復完又駟牧在野攘竊是繁耗以歲
月莫之禁禦公軺車上隴羣慝畢露表監官斛斯果
之輩奪職者九人沒賊者萬計牧圉知禁思無邪矣
開耀聞吐蕃侵境師旅不給乃購運酬勲募耕入選

利之所在詐亦居焉公與大理正王守一於河蘭鄯
廓四州推獲僦糴王希古盧種王誕其徒二千餘人
正處其罪爰得我直投監察御史內難去職居喪過
毀死孝貽憂光宅初肇建兩臺分典百郡服闕授右
臺監察御史巡察河南澄清郡邑昇賢弊罪能執其
中類功最加兩階拜右肅政殿中侍御史郎官法天
古難其選具美斯在再拜司勳員外郎永昌中遭凶
黨網羅為周興所奏貶温州固安令州特舉清白改
鴻州櫟陽令邑多猾人屢宰敗駕公威簡有素誠結
無欺率是而行人用不擾獄犴自靜狼戾反慤詔書
嘉譽加朝散大夫又羅密徒貝錦為河內所鞠降括

州員外司倉尋而事白進吉州司馬神龍中興官反
舊政窮鱗沛而縱壑墮羽翼而順風拜司門郎中兼
衛王司馬無何正除衛王司馬拜太子左庶子以節
愍之禍出為涪州刺史未往又轉廬州司馬致仕久
之景龍中復起左諭德兼崇文館學士詔曰公縉紳
書彥操履清淳令譽播於始終嘉績宣於中外儲闈
諭論雅望尤高宜申朝典俾加徽服可銀青光祿大
夫又攝詹事東都留守拜常州刺史居歲餘優詔致
仕享年八十先天元年仲冬薨於河南之正平里第
遺令近地便葬斂以終服開元二年冬卜葬於尹闕
之西夫人河東縣君柳氏祔焉禮也公出惠愛故存

官二十其進也皆擇能錄勤惟德是與其退也必含
垢受屈在涅不淄子文之量從可知矣凡撰淳孝友
悌傳各一篇以匡儲后撰先君親友傳十卷以篤故
舊撰家譜家誌各十卷以明系本撰河南巡察記十
卷以辨風俗非通理博物立誠錫類其孰能見志以
著書因事以設誠若斯之盛也有文集十卷行於代
初公侍祠清廟有髦士之宜而先考偃師贈蒲州長
史自祖考三葉瑩無碑記公諮諸通儒而追建銘碣
幽趙之士以為美談夫為子則頌德以尊祖飾終以
榮親孝之大也為臣則不枉毫髮以顧私不避豺狼
以撓法忠之至也潔志則利不涉口欲不萌心清之

源也履道則不俛眉以悅勢不屈色以苟容正之方也詩曰仲山甫舉之公有其德傳曰左邱明恥之公有其直總是四善遠齊二賢於是芬苾令問優游眉壽惠風激於勝流丕績敷於哲后然以忤彼權貴保茲介特不登三階以正四國貞白之士慨焉太息其孤總授充窮泣血靡所寘懷俾予作頌布哀豐石恭惟先人之寮友常奉長者之話言公雅珍確實不尚華靡敬慎風規直紀行事業廣詞編萬無髣髴少子授八分之妙獨善當時公平日惠愛故存之刊刻詞曰

我我淑德克生休命履孝蹈忠含清體正如玉之潔

如金之鏡高明洵美學以潤之官方正事靜以鎮之嚴嚴憲府公三峻之赫赫儲宮公三訓之道有行廢時有泰否三入三出無愠無喜鼓缶而歌懸車致仕全歸葬儉允也君子西山幽幽東川悠悠雲過墳闕風薄松楸人亡道存榮往哀留貽世作則行歸於周

后土神祠碑銘

唐文二卷一百三十一

至哉坤元萬物資生王者母事德合天明義有大報用協永貞茫茫九土思索其精因天事天因地事地彼汾之曲高雉傑異景象遺光壇場舊位寂寥千祀精靈永闕誣神不祥復古維祺文所無者秩而祭之矧曰后土昔載明祠何必因陰乃為我師意多漢武

跡在橫汾風流可接簫鼓如聞壽宮創制神鼎勳
古往今來豈無斯文

西嶽太華山碑銘 唐文二百三十卷

巉巖太華柱天直上青崖白谷仰見靈掌雄峰峻削
蕙苞森爽是曰靈岳衆山之長白帝西下黃河北來
陰陽孕育精氣徘徊偶聖呈瑞逢昏降災玉池神挹
石室仙開海絕瀛洲天遙元圃偉哉此鎮崢嶸中土
鬼神乍游風雲忽聚高標赫日半壁飛雨自古王者
巡方必至龍駕帝服封天禪地南面會神西后在位
待予治國安人然後徐思其事

邠王府長史陰府君碑銘 唐文二百三十一卷

賢哉陰侯孝友仁信符彩外發清真內鎮史門文宗
國子儒允克家踵武金聲玉振結髮筮仕利用勸心
雉馴風化鹿賦文章函丈禮樂雷門紀綱微言教胄
直道匡王年惟大耋克茂精爽疾不彌留怡然長往
世比過隙生猶絕響契均范張會阻天壤通家自昔
永懷厥初昏姻之故言就我居富同鼎食窮共園蔬
動心規戒言成著書奪我良友天其喪余南望龍門
東都九原萬籟酸骨千霜斷魂琴瑟都盡塤箎半存
葬收子壻碑傳外孫人生到此天道何言

文昌左丞陸公墓誌 唐文二百三十一卷

公諱元方字希仲蘇州吳縣人也帝典惟二虞盡美

於南風強國有七齊莫大於東海元侯制食因而為宗丞相冊勳開吳佐命盛德之後瑤現代襲故丹青奕世三君之望並高金玉聯華五常之目齊重公即陳給事黃門侍郎琛之曾孫唐荆當州陽縣丞山仁之孫司儀郎東之之姪豫章尉元之之子體元黃之純粹峻清白之隆名鵬翼載軒騏鳴自遠始以司成明經業優擢第補三水扶風渭南三縣尉授裏行監察殿中三御史遷鳳閣舍人兼太中子舍又判鳳閣又守秋官行鸞臺三守侍郎同鳳閣鸞臺平章事坐公事降為綏州刺史居無何檢校春官又試天官二侍郎兼司尉卿復除鸞臺侍郎同鳳閣鸞臺平章事

轉右庶子轉文昌左丞前後掌選及知考各二歲九流銓總代天理物公執其衡鏡而野無遺賢三載考績惟王舊典公秩其幽明而庶官咸事斯並憲章臺閣籍甚人倫至於經濟大道彌綸庶務嘉猷削於隱德宏益晦於推美蓋不得而聞也古人有言進退在命忠信在人一出持州再入莅政汲長孺之方直時守外臺胡伯始之詳明丞司中禁抑有由焉嗚呼人之淑斯宜享難老昊天降戾曾不憇遺大足元年二月七日寢疾而終春秋六十有三歷事兩宮三十餘載奉上惟敬臨下惟誠密勿兩終靜而調理心尚坦率不違名教之地迹列軒裳不雜風塵之伍施與忘

倦鄉黨穆焉夷險若一朋友義焉所謂終温且惠行同歸於大雅克已復禮身不離於令名及東首歸全西階徹奠無食粟之馬無衣帛之妾知與不知莫不嘉歎粵三月十四日假葬於國門之南費村永刊昭烈垂之幽礎

上邽縣君李氏墓誌銘

唐文二卷三十一

夫人太祖景皇帝之元孫西平郡王普定之女也賦靈陰德資性柔嘉事舅姑盡其敬與娣姒致其睦茂行克乎內則懿聲溢於外姻雖幼育王家長自傳保而能謙光庶類降心細物手成朝祭之服躬操酒食之品凡婦人之所能事而夫人莫不備焉府君朱紱



之歲也於是乎始受封邑象服盈門魚軒在路姬氏王者之後夫人帝室之親夫貴婦榮於斯為盛及帷堂而哭有敬姜之禮擇鄰而處有孟母之教入閭俟信有諸婦之期出言成章有衆女之誠受命不淑以某年月日卒於同州之私第以龍神元年十一月二十日合葬於萬年縣白鹿之舊塋有子遜殿中侍御史檢身承家揚名為孝思我母氏感秦伯之詩附於府君取周公之禮髣髴心跡志之幽石其銘曰茫茫萬姓朝宗於李婺星分極咸池派水后稷裔孫神貽女士動遵法度居觀圖史輔佐哲夫訓成賢子宜崇徽號以享介祉高堂奄空霜露方始儉用禮節

言之補遺
三
山房校鈔書籍
葬非奢美鏡下窆臺衣絨泉筭瓏煙不散松風長起
摘果人迷侵林獸死永言惟孝事親終矣

兵部尚書代國公贈少保郭公行狀

公名震字元振本太原陽曲人也大父任相州湯陰
令因居於魏公少僮廓落有大志儀觀雄傑身長
七尺美鬚髯十六入太學與薛稷趙彥昭同業時有
家僕至寄錢四百千以為學糧忽有一人縲服叩門
云五世未葬棺柩各在一方今欲齊舉大事苦乏資
用聞君家信至頗能相濟否不問姓名以車載去一
無所留深為趙薛所誚公怡然曰濟彼大事亦何誚
焉十八擢進士第其年判入高等時輩皆以校書正

字為榮公獨請外官授梓州通泉尉至縣落拓不拘
小節嘗鑄錢掠良人財以濟四方海內同聲合氣有
至千萬者則天聞其名驛徵引見語至夜甚奇之問
蜀川之跡對而不隱令錄舊文乃上古劔歌其詞曰
君不見昆吾鐵冶飛炎烟紅光紫氣俱赫然良工煨
煉凡幾日鑄得寶劔名龍泉龍泉顏色如霜雪良工咨
嗟嘆奇絕琉璃玉匣吐蓮花錯鏤金環生明月正逢
天下無風塵幸且用防君子身精光黯黯青蛇色文
章片片綠龜鱗非直結交游俠子亦曾親近英雄人
那知中路遭棄捐零落漂淪古獄邊雖則沈埋無所
用猶能夜夜氣衝天則天覽而佳之令寫數十本遍

賜學士李嶠閻朝隱等遂授右武衛胄曹右控鶴內供奉尋遷奉宸監丞屬吐蕃請和親令報命至境上與贊普相見宣國威命責其翻覆長揖不拜瞋目視之贊普曰漢使多矣無如公之誠信遠近疆界立談悉定因^遺金數十斤而還公悉以進上奏言揣彼上下之情人倦其隸役久矣咸願早和大將論欽陵不爭四鎮獨不欲耳但國家每歲不絕其使而欽陵常不稟命自然彼蕃之人怨欽陵日深望國恩日甚設欲廣舉兵徒難矣斯乃反閒之微旨也必可使其上下俱懷猜阻矣則天甚然之無何吐蕃君臣果相疑貳遂誅欽陵弟贊婆及其兄子莽布支並來降公聲名

籍甚授御史加朝散大夫遷主客郎中吐蕃與突厥連和大入西河破數十城圍逼涼州節度出城戰沒蹂禾稼斗米萬錢則天方御洛城門酺宴涼州使至因輟樂拜公為涼州都督兼隴右諸軍大使調秦中五萬人號二十萬以赴河西公至涼州吐蕃素聞威名相謂曰我贊普猶懼吾輩何可敵乎相率而去公收合餘衆繕修城壁施法令屯田一年而復公之功也公以涼州西拒吐蕃北有突厥久示其弱未揚天威因徵隴右兵馬一百二十萬號二百萬集於湟州營幕千里舉燒號令時宗楚客為相素與公不協令人告變則天惶懼計無所出狄仁傑魏元忠韋安石

李嶠宋璟姚崇趙彥昭韋嗣立張說二十五人抗表請保如公有異圖並請身死籍沒則天由是稍安兵既大集人又知教分兵十道齊進過青海幾至贊普牙帳贊普屈膝請和獻馬三千匹金三萬斤牛羊不可勝數公大張軍威受其蕃禮而還既伏西戎震威北狄突厥獻馬二千匹所獲涼州人士皆放歸塞上從此方鎮肅清蕃落畏慕令行禁止道不拾遺凡所規模制作率為後法河西隴右十餘處置生祠堂立碑頌德閭立均等為其文尋有詔許入朝公素無第宅寄居友人之舍候鼓入朝忽有人馬前送狀開緘前人已去狀中惟有物數而無姓名便於樹下獲驪

馬二十餘匹帛三千匹公曰豈非太學請葬之士乎因以買宅居止薛稷趙彥昭聞之皆嗟嘆良久景龍年中宗楚客韋處訥等潛結朋黨憎功害能授公驍騎大將軍兼安西大都護四鎮經畧使金山道大總管時烏質勒久恃衆倨傲不屈朝廷縱兵遠掠道路不通公以衆寡不敵難以力制因率麾下數十騎徑入部落烏質勒大出兵衛出迎望見公威容端毅風鬣若神不覺屈膝因而下拜公宣國威命抗聲與語自朝至暮雪深尺餘竟不移足質勒頻拜伏語畢歸帳相去二十餘里質勒久立雪中倉卒疾發是夜暴卒其嗣子娑葛集諸將曰漢使殺我君父今須復讎

大舉兵衆將追殺公聞質勒死遲明素服來弔道路相逢兵圍數匝娑葛見公忽來未之敢逼但言衛護漢使公至其帳下大哭流涕因撫定其嗣蕃人大喜留數十日助其葬事娑葛獻^馬三千匹牛羊十餘萬移居千里西域無事道路肅清諸蕃聞之遣使歸降者十餘國時人語之曰郭元振詭殺烏質勒知娑葛與闕噉有釁奏請移於瓜州制從之會中書令宗楚客受金遂寢其事公具以狀聞楚客恃勢囑請召公將陷之公不從又奏請斬楚客清蕃落時韋庶人竊弄國權中宗竟不之省也初安西南有毒河源遠在葱嶺西北河岸百步人畜踏之者輒死公威振西域所

向無不從者因驗圖經知其源率兵三萬人歷于闐康居大食等十餘國所過之地令供資糧仍署其國王為左右總管率兵前進北至葱嶺牙帳前十二國王兵百餘萬其河源上有高樹高千餘尺垂陰數頃大軍至日有黃龍繞樹以口吐毒氣而拒官軍三軍悉覩焉公手書操檄文令左拾遺張宣抗聲讀之畢黃龍解樹而下公率諸軍誅之數日方倒聚而焚焉河源且絕數十里內悉為良田在安西十餘年四鎮寧靜韋庶人知政屢徵不至因下偽詔令侍御史呂守素中丞馮家賓相繼巡邊欲將害之未及皆為娑葛等諸蕃劫殺之睿宗即位徵拜太僕卿勅至之日

舉家進發安西士庶諸蕃酋長號哭數百里或劈面
截耳抗表請留因紿之而後即路其至玉門關也去
涼州八百里河西諸州百姓蕃部落聞公之至貧者
攜壺漿富者設供帳聯綿七百里不絕公旌節下玉
門關百姓望之宛轉叫呼聲動巖谷自朝至暮傳呼
至涼州涼州城中男女在衢路並歌舞出城咸言我
父至矣通夜城門不受禁制都督司馬逸客聞之謂
公近矣陳兵出迎會候騎至云始入玉門關都督嗟
嘆良久且狀聞至京同中書門下三品加銀青光祿
大夫遷兵部尚書封館陶縣男依舊知政事尋轉吏
部尚書知選舉囑請不行大收草澤睿宗屢下詔褒

美後默啜大寇邊拜刑部尚書充朔方道行軍大總
管築豐安定遠等城以拒賊路尋加金紫光祿大夫
再遷兵部尚書知政事仍舊元帥會太平公主竇懷
貞潛結兇黨謀廢皇帝睿宗猶豫不決諸相皆阿諛
順旨惟公廷爭不受詔及舉兵誅竇懷貞等宮城大
亂睿宗步出肅章門觀變諸相皆竄外省公獨登奉
天門樓躬侍睿宗聞東宮兵至將欲投於樓下公親
扶聖躬敦勸乃止及上即位宿中書十四日獨知政
事因下詔曰大臣立事夷險不易良相昇朝安危所
繫兵部尚書同中書門下三品上柱國館陶縣開國
伯元振偉才生代宏量匡時經綸文武今之王佐出

入將相古之人傑夙侍宸宸疇咨廟堂思致堯舜以期管樂朕往在儲闈洎登寶位每觀其仗義感激願制凶邪立誠慷慨密陳宏益爾其至矣朕實嘉之頃者梟獍興謀干戈作釁太上皇帝既命朕除討元振又馳奉宸極始則賚予為弼終則寧朕問安可謂格於皇天貫於白日元惡既翦庶物惟新昌言是圖朕豈忘舊宜開井邑永誓山河可進封代國公賜實封四百戶物一千段子五品官尋兼御史大夫天下行軍大元帥是歲大徵兵衆閱武驪山兵一百萬號三百萬並奉公節度是日三令之後上將親鼓公慮有大變因略行禮上大怒引坐纛下紫微令張說犯鱗

而諫上乃曰元振有保護之功宜捨軍法流新州未至屬開元元年冊尊號赦曰元振往立大功保護於朕頃因閱武頗失軍容責情放逐將收後效可饒州司馬未至卒於道時年五十八有集二十二卷文章有逸氣為世所重公少負氣縱橫遣意磊落作尉巴蜀不修名檢及登朝受任屢使遐方霜明烈心玉立貞節言行忠正居取儉約飭體雜於皇王致君期於堯舜公務之暇手不釋卷雖子弟家人未嘗見其喜怒前後上事切諫得失十數道俱焚其藁草不以語人故朝廷莫知也睿宗嘗曰元振正直齊於宋璟政理逾於姚崇其英謀宏亮過之矣舊於宣陽里居二

十餘年不至諸院馬廐每朝迴對二親言笑歸室儼如也不問家事與狄仁傑朱敬則魏元忠李嶠韋安石趙彥昭韋嗣立薛稷張說等為忘言之友事父母以孝聞父愛授濟州刺史後以為相奏請解職授銀青光祿大夫濟州刺史致仕公歿後二親猶在自我唐受命宰臣有二親者惟公而已



書

北京圖書館藏

程